

大德必得

大德必得目錄 卷下

祇論天時不計人事

祇言人事不講天時

天時人事互爲輔助不可偏廢

事業之成敗真理之是非不在人數

之多寡

處世爲人之實行方法

不分中外不闢諸教

不患無位患所以立

不與人爭論虛理是非

非明哲英雄不言人事

別有高人獨立不移

不怕人毀怕自毀

無事辦實事有事自然成

凡聖賢仙佛言行不知要求其知

大聖人天智所定之實禮維持不散

破壞

凡事自強先立一中正之道期必能

達到目的

視聽言動行住坐臥不求有功只求

無過

辦事成功者功歸於天事有未成功

者過歸於己

知時務明哲保身守本分各盡其道

有益於世道人心之事委曲求全

知堯舜之道不外孝弟

真成事者人力勝天也

凡好歹得失罪歸於己無事不可了

無事不可成無入而不自得

凡事認貞卽能留名千載馨香萬世

真貞四大愛之實行實德

(一)真貞愛身者

(二)真貞愛家者

(三)真貞愛國者

(四)真貞愛天下者

徵求四等賢才聚首談心

徵求志在一身心在天下者

修齊治平之必要

不敢問世之貞義

當今各種學說之評論

真貞知道四大愛者之英雄

君子小人之結果關乎國家之治亂

實行道德

中華是大同極樂世界之尊號

識時務爲俊傑

強權實喪身亡家之禍根

真道德平天下是謂大同

治國平天下之道在反本

重道德用賢才天下大同

醫國家天下必要對症良方乃可起

死回生

親民新民相隔天淵

貞主宰用事天下自然太平

樂道語

附祈禱太平語錄

爲永久和平世界大同特別談心

大德必得 卷下

按此書係大德必得之信驗事實。如祇看一節一段。不免掛一漏萬。難得窺其精妙。如將全書看完。澈底澄清。明白其中貞義。方知爲圓滿無缺。推行無碍。大德必得也。

祇論天時不計人事

天地間事無好歹。理無是非。惟視天時爲轉移。天時至。善事固成功。惡事亦成功。天時不至。爲善固不能。爲惡亦不得。故前此之專制。非人能專制也。天時耳。今日之共和。非人能共和也。亦天時耳。由是觀之。世界之治亂。國家之興亡。人生之得失。事業之成敗。無一能出乎天時之範圍也。

【解曰】天時者。天命也。天意也。天行也。天時不至。一無所能。天時一至。無所不能也。如日往月來。寒往暑來。冬至至短而短止。夏至至長而長止。時刻一到。立地轉移。可見天時之能力。真是不動而變。無爲而成。有非人力所能企及。萬萬之一也。○故天意欲以褒姒亡周。先有童謠。預洩其機。周人早爲之防。而赫赫宗周。終是褒姒滅之。○天意欲以武氏亂唐。先有異人指示。太宗信

從。盡取武姓而戮之。而則天之禍終不能免。○天意欲將天下歸宋。先有檢點當爲天子之讖。果知其機殺檢點。而趙匡胤終由檢點而黃袍加身。○黃巢殺人。天意應由和尚開刀。雖彼此交厚。同心商議。設法躲避。終不免於樹斷頭落。歷觀往古。凡因天時所現之歌謠而預防者。無論勢力之有無。均不能挽回絲毫也。人事究有何用乎。故凡天時所生之人。又順天時而作。天時一至。自然而能成功也。否則天時一去。自然而能即消滅也。○例如滿清入關。以八旗之兵。而奄有中夏。坐享二百餘年之幸福。及天亡清之時。婉轉要求。多延一刻而不能。人事果何足貴乎。且真貞天時者。氣數也。時機也。無爲也。無所不爲也。雖視之不見。聽之不聞。搏之不得。而又體物不可遺也。在天道人事中考之。可以證明。無爲之中。有一貞主宰。故我於無爲心法中。即講天時。天意。天命。天行。皆是道之自然。知其道明其道。在天爲天命。在人爲人命。在事爲得時。故曰順天者存。逆天者亡。無論好歹事。凡能成功者。皆是天道助之也。雖間有不知天時。由自動而成功者。亦是無心合度。暗與天時之氣數相合。故能徼倖成功。究非人力所能爲也。設爲天時有絲毫不合。任

爾身爲天子。富有四海。頃刻化爲烏有。縱有雄兵百萬。戰將千員。亦終不能爲力。因天時卽無爲之主動。凡有爲之天地鬼神。皆要聽命。何況於人。○再以日月星辰。風雲雷雨言之。亦均天時爲之也。如日月自有能力。則必有休息之時。有休息卽有錯亂。而其所以居諸迭運。往來不息。數千萬年絲毫不亂者。要皆天時爲之也。風雲雷雨亦然。如風雲雷雨能自動。卽無旱乾水溢之災矣。故聖賢仙佛。雖慈悲普渡。亦不能擅自呵護。倘能自行呵護。則人世之善惡。應當分明。而無冤抑不平之事矣。可知凡屬有爲。皆要順無爲之天時。天命、天意、天行。方能存在也。由此推之。則天地人物鬼神。俱是蠢蠢一物。惟聽天命指使而已。有何能力之可言。故不知命無以爲君子。君子知天命。順天時。事成功固在天。不成功亦在天。故至聖曰。道之將行也。與命也。道之將廢也。與命也。孟子曰。行止非人所能也。吾之不遇魯侯。天也。吾故曰。祇論天時。不計人事。然聖人罕言天道。多言人事。何也。因恐人不知天道。而誤順天道。凡事誘之天道。坐以待斃。反成人世之僕虫矣。故凡事必須雙方說圓。始無得此失彼之弊。

祇言人事不講天時

書曰。天工人其代之。可見無人不足以成天工也。故世間之事。無論廢興存亡。因革損益。無一不是人事爲之。是以悟形上之道。而造成聖賢仙佛者。人。也。精形下之器。而發明聲光電化者。亦人也。由此推之。何一不是人事哉。

【解曰】前言天時者。乃爲有大智慧。知命之君子言之也。其實天時虛空。渺無所憑。全賴人事爲依歸。故三才之中。人爲貴。以其能行天之道。體天之德。宣天之化。代天之工也。不特六府三事。賴人修治。卽天亦賴人成。地亦賴人平也。自有天地以來。上下千古。橫亘八方。凡屬可以名言者。無一不是人爲也。故人可以參贊化育。扭轉乾坤。挽回世道。救正人心。補天地之缺陷。開天地之閉塞。調天地之氣化。變天地之陰陽。爲宮室以蔽風雨。造舟楫以通江河。立教化而範圍人羣。興稼穡而厚民生。作器皿而利民用。以及一切奇巧技能。聲光電化。千端萬緒。難以罄述。要皆人事所建設。所創造。所結晶。並不見有所謂天時。天命。天意。天行之跡也。又如人之視聽言動。行住坐臥。飲食起居。喜怒哀樂。均是人之自由也。人之自動也。天命固不能強之。亦不能限之。

是以人欲爲善。天必從之。人欲爲惡。天亦聽之。天真莫奈人何。人事真可畏哉。故才之大者。可以掀天揭地。事之大者。能使天翻地覆。不特此也。人欲亂世界也。干戈是逞。蹂躪荼毒。暴厲之氣。足致天昏地暗。人欲治世界也。玉帛相將。歡欣鼓舞。祥和之氣。能使天清地寧。人事之力。顧不大哉。此所以古今聖賢仙佛。莫不出其全力。與氣數之天奮鬪。卒能以人勝天。立功於世。立德於人。留名千載。馨香萬世。不特與天地並壽。與日月爭光。能作天地之功臣。且可正位天地。包羅天地也。茲值物質文明時代。工藝日精。人事進化。方興未艾。將來發達。不可預測。卽以現今日睹之實事。如陸行之火車。水行之輪船。飛行之機。潛行之艇。已足精入神化。巧奪天工矣。人事真是萬能也。吾故曰。祇言人事。不講天時。然淫惡小人。作奸犯科。肆行無忌。無法無天者。又不足以語此。

天時人事互爲輔助不可偏廢

人力辦事。固可巧奪天工。天道主持。亦足限制人事。若能盡人合天。天人合一。真貞人事。卽是天時。真貞天時。卽是人事。無甚區別也。故曰事無好歹。理無是

非。祇要天時至。人事到。無論何事。皆可成功。若天時未至。人事未到。無論何事。不能成功。卽如當今之亂。是人使之耶。抑天使之耶。還是天人兩相湊合而致也。如世間無人。天縱欲亂。亦無從亂起。亂世如此。治世亦然。一治一亂。天道之常。未有久治而不亂者。亦未有久亂而不治者。如天欲平治天下。而無治世之人。天亦不得自治。只要天心厭亂。人心思治。天時人事。兩面俱到。則天下不期而自治矣。夫亂天下者。既有其人。治天下者。亦必有其人。其人一出。不但衆人歸服。卽天地鬼神。皆要聽令。何以故。因人爲天地之心。萬物之靈。受道之精華。爲道之全體。故能燮理陰陽。扭轉乾坤。如能中天下而立。真貞可以定四海之民矣。

【解曰】天時人事。原是一貫。不可強分也。况天人相與之際。關係至爲密切。勢有不能強分者。試以人身言之。凡軀從何而來。曰父母所生。問父母從何而來。曰由祖宗始祖。一脈所傳而來。始祖又從何而來。猶能強應之曰盤古。若問盤古從何而來。吾恐雖有好辯之士。亦將咋舌不能言矣。執此意以問西人。亦只能答曰夏娃亞當。再問夏娃亞當從何而來。不過強答曰上帝。若問

上帝從何而來。雖有博學之士。恐亦瞠目不能對。何也。源頭太遠。真理太深。其所以然。決非凡人臆想測度所能及。雖欲言之。亦不能言也。不但倉猝之間不能言。卽千思萬想。亦不能言。不但一人不能言。卽千萬人恐亦不能言。吾今代爲略言之。天地自然所生也。大道自然所成也。換言之。卽天時、天命、天意、天行之自然結合也。此特由凡軀言之。已足見天人相與之關係。真有不可強分者。再進而言之。人之心思玲瓏。知覺靈巧。意想神奇。智謀機變。種種玄妙。從何而來。中人則曰。心竅靈敏。西人則曰。腦筋靈活。而不知心竅腦筋。猶是凡軀之中一小部分。烏能有此能力耶。以此相詰。愈不能答。吾今略爲之解曰。心竅非能自靈敏也。腦筋非能自靈活也。還是大道元氣所鍾毓。天地靈機所寄託。還是無爲無所不爲之貞主宰。欲假手於人。成此世界。故特賦元氣於人身中。賦靈機於人心中。使之作一全權代表。人得此元氣。得此靈機。始能思想百出。變化莫測。辦成種種無中生有之實事。造成花樣翻新之世界。究其源頭。還是天時、天命、天意、天行。湊合之能力也。天時、人事。豈可須臾離乎。譬如人之生老病死苦。乃天之氣數所定。如果人能勝天。何不

設法去之。人既不能免此生老病死苦。則人之能力。終屬有限。人事終不可恃也。吾今直言道破天機。凡事盡人方合天。天人要合一。既不必執言人定能勝天。亦不必執言天定能勝人。換言之。從一方面引舉例證事實。指爲天定勝人也可。卽再從又一方面。引舉例證事實。指爲人定勝天。亦無不可。總而言之。貴乎兩而化。一而神。互爲輔助。不可偏廢也。此爲中人以上說法也。若係中下之人。天道固不知。人事亦不曉。所知者富貴功名。金錢衣食而已。逐物俯仰。隨世浮沉。時而飽煖。則生淫欲。時而饑寒。則起盜心。隨心亂想。任意妄作。卽至殺身亡家。亦不回頭。真是醉生夢死。與禽獸無異。何足與言天道。何足與言人事。故曰民可使由之。不可使知之。中人以下。不可以語上也。是以有唯上智。與下愚不移之說法。因能知者自知也。不說亦無損也。不知者終不知也。說之亦無益也。然吾之所以不已於言者。爲社會中有人格之人而言也。爲識時務之君子人而言也。爲生今之世。想成今之人之仁人而言也。

事業之成敗眞理之是非不在人數之多寡

當今文明各國。取合議制。會議廳上。議論國家大事。必以贊成之人。超過半數。爲決定。其實真是真非。不在人數之多。只在識見高出羣衆之一二人而已。譬如中國號稱四萬萬同胞。試聚全國之人。成一國民大會。共議一事之是非。設若雙方人數各半。各是其是。各非其非。所議之事。終必無所解決。是合四萬萬之衆。亦不能決一事也。假使一方少一人。不足兩萬萬之數。一方多一人。超過兩萬萬之數。而此多一人之方面。所是者必是。所非者必非。是前以四萬萬人。不能決之事。乃因此多出之一人。而解決之。試問此一方面。所多出之一人。敢必其識見果高出羣衆之上乎。而彼一方面中。果無識見高超。而爲庸衆所不識之人乎。夫才過千人曰俊。才過萬人曰傑。然則俊傑之識見之思想之言論。之行爲。必遠邁乎千萬人之上。而非千萬人所能夢見。則本其思想之高超。識見所獨到。發爲言論。見諸行爲。不爲千萬人所反對者幾希。故孟子云。君子之所爲。衆人固不識也。

【解曰】道之變化。一生二。二生三。三生萬物。所謂一本散爲萬殊也。必到萬殊之極。方能仍歸一本。此乃剝極必復。返本還原。天道之自然。人事之定理也。

當今全球萬國。立法議政。莫不取決多數。甚至人人都要有權。人人皆可行權。則萬殊之散。已到極點。道之發洩。亦到極點。國家無主。人民之亂。亦到極點。此乃天道之自然。人事之當然。蓋否運時代。舉世既無天。豈聰明。首出庶物之人。則獨裁制度。最易演成專制專橫之流弊。反不如合議制度。取決多數。雖未必獲得真是。真非本原。猶可收公是。公非之效果。故世界各國。自然推倒專制。改爲共和。羣傾向於合議制者宜也。此乃否運時代。不得不然之趨勢也。然否極泰來。剝極必復。揆諸天道循環之理。上天如欲平治天下。應該萬殊仍歸一本。必有致中和位育之君子。出而担当宇宙。仔肩大道。作天地之寄託。爲人民之依賴。承受天地之元氣。掃除世界之魔氣也。何以故。道之自然固如是也。故天得一以清。地得一以寧。天地尙然。況其餘乎。凡不歸一者。未有能收良好之效果也。是以武王有臣三千。因一心一德。而開王基。受有億兆夷人。因離心離德。而斬國祚。今我中國羣雄爭長。四分五裂。各佔地盤。形同割據。國家人民。一盤散沙。何有平定安寧之日。昔梁襄王問孟子曰。天下惡乎定。對曰。定于一。善哉言乎。可爲今日對症之良劑矣。蓋必一而

後定也。未有定而不一者。試觀世界各國。無論爲共和政體。專制政體。委員制。總統制。凡能推行無碍。成功一時者。其中必有主體人也。而此主體人卽爲一。衆人遵其裁判。受其指揮。從其命令。卽爲歸一。歸一則萬衆一心。意見一致。衆志成城。衆擎易舉。自然庶績咸熙。萬端畢舉。否則讒口囂囂。議論紛紛。卽是築室道謀。罔克有成。故不歸一者。任何事業。均不能成功與存在也。卽以目前實事觀之。革命有總理。政府有主席。機關有主任。團體有領袖。合股營業有經理。農工商會有會長。諸如此類。凡能成爲事實者。俱有歸一之精神在其中也。無論事之大小。人之多寡。其中必有首領。方能有條不紊。而達最初之目的。譬如百萬之兵。必有主帥。方能不亂。工匠修造。必有頭目。方能成功。等而下之。匪盜行劫。尙有匪首以統率之。衆丐乞食。猶有丐頭以管束之。此猶以多數言之也。卽以少數言之。如二人共同辦事。亦必求其心思相同。意見相合。故曰二人同心。其利斷金。又如二人行路。亦要彼此同心。否則你東我西。你南我北。終難同歸一處。綜觀一切。無一不是歸一之說法也。不能歸一者。鮮不僨事也。大而國家。歸一則治。否則亂。小而家庭。歸一則興。

否則敗。再以身言之。歸一則樂。否則苦。何也。人必精氣神。身心意。心口行。滿盤歸一。則清明在躬。志氣如神。事物之來。泛應曲當。自然俯仰無愧。心君泰然。無往而不自在。無入而不自得。處富貴而視若固有。處貧賤而隨遇而安。焉往而不自樂也。倘若言行相背。口是心非。心不能自主。身亦無所依。一身之內。鬧到顛三倒四。弄得七零八碎。見理則猶豫不決。遇事則游移不定。勢必精神恍惚。神經錯亂。寢食不安。居處不寧。隨在皆是荊棘。無處不是煩惱。爲人若此。雖貴爲帝王。富有四海。恐亦無生人樂趣。若在貧賤之中。其苦更不可言矣。夫以一身之內。歸一與否之關係。相差且如此其距。而况天下國家乎。以小喻大。推近及遠。可知有天下國家之任者。果欲建功立業。只要能將政治歸一。法律歸一。軍事歸一。教育歸一。自然綱舉目張。萬幾就理。國家不勞而治。天下不期而平矣。故曰一人有慶。兆民賴之。一人元良。萬邦以貞。首出庶物。萬國咸寧。

處世爲人之實行方法

大丈夫生今之世。必要成今之人。不作天地功臣。也要作祖宗孝子。人生總要

想天地生我。父母養我一場。若只是昏昏濁濁。一事無成。空過一生。豈不枉自變了一回人。實在可惜得很。凡人生下紅塵。譬如落在苦海中。故云天下不如意之事。十常居八九。但能明道。苦海可化爲極樂。不然醉生夢死。千事勞心。萬事勞形。人生不滿百。常懷千歲憂。又實在可憐。如人之眼、耳、鼻、舌、身、意六根。佛家認爲六個賊子。以凡人所有罪孽。皆此六個所造成。所有福德。皆從六個所消喪。故云賊。然以我說來。人若明道。六個賊子。可化爲六個護法。蓋人無眼不能看。無耳不能聽。無鼻不能嗅。無舌不能嘗味。無身不能動作。無意不能成想。又何能在世間立德、立功、立言。但眼不要邪視。意不要邪想。斯可矣。故云非禮勿視。非禮勿聽。非禮勿言。非禮勿動。真明了大道的人。翻轉過來。是禮則視。是禮則聽。是禮則言。是禮則動。一切可大可久之德業。卽此眼耳鼻舌身意所造成。非護法之功臣而何。

又如佛家所言。貪嗔痴愛。卽儒家所說酒色財氣。世人多以此而喪身亡家。害國殃民。我們修道人。要轉變過來。作爲交際往來。日用常行之德業。蓋無酒不足。以言歡。無色不能成世界。無財不能通有無。無氣不能任重遠。但不爲酒色

財氣所迷。從流忘反。斯可矣。換言之。卽能用酒色財氣。不爲酒色財氣所用。斯可矣。凡此六根六塵。貪嗔痴愛。酒色財氣等等。總要知道根塵嗔愛酒色等。無用有用。有用無用。能以有用作無用。化無用爲有用。雖有用若無用。則人生自有生人之樂趣。生今之世。必成今之人。苦海卽化爲極樂。

世間萬事都有假。惟有道是獨一無二。千真萬真。爾想沒有道。那還有天地。沒有天地。那還有人物。人只要曉得天地萬物之原。還有個真道。卽不假修爲。而道自成。故曰朝聞道。夕死可矣。凡人莫不貪生怕死。惟有真認得道。真可以長生不死。不生不滅。死可云者。聖人特反言以明聞道之極貴重耳。蓋人是完全一個道體。爲道之精華。道之子。道爲人之母。人真曉得有道。如子認母。子母相親。天然一氣。焉有不成道之理。

不分中外不闢諸教

以俗情論。方以類聚。物以羣分。各有各的分段。以大道論。萬物如同一體。中外猶如一家。何有種族宗教之區別。但諺云。同行多忌妬。故自來講學講道傳教者。多半入者主之。出者奴之。在這教則說那教不好。入這道則說那道不真。耶

教新舊之爭。耶回之爭。儒釋道異同之爭。耶教入中國之賈禍。皆斯病也。我自來講學講道。中外同等。無歧視。無論何教。只要無損人利己之行爲。皆不關他。蓋甚麼蟲蛀甚麼木。各教有各教之因緣。况天下事無假不顯真。無曹操之大奸。顯不出關夫子之大義。無秦檜之奸謀。顯不出岳武穆之精忠。道亦猶是也。無旁門外道。顯不出大道精華。不過旁門外道猶枝葉。爲道之輔助。大道猶花心。爲道之正果。枝葉無花不貴重。花無枝葉不精神。相得益彰。並行不悖。此大道之所以爲大也。

不患無位患所以立

當今民國搗亂不休。無非是人人爭權。個個奪利所致。殊不知有朝得橫財。夕喪身命者。有驟登大位。忽又被逐者。此何以故。尸位素餐。無所建立。自不得不隨時消滅。猶之漂木浮沙。自不得不隨風浪漂沒耳。故曰由今之道。無變今之俗。雖與之天下。不能一朝居也。我們修道人。就不要怕無官做。沒事辦。同世俗人一樣。去爭權奪利。只怕自己做了官。反不能稱職。有事時。反不能辦事。因以誤國殃民。身敗名裂。斯誠可恥之甚者也。故當拳拳服膺。至聖所云。不患無位。

患所以立。果學問造到。能有自己樹立的程度。得志與民由之。有位固足以光顯。不得志則修身見於世。無位亦足以明揚。堯、舜、禹、湯、文、武、周公之政德安民。佛、老、耶、回、孔、孟之化行天下。其能自樹立則一也。

不與人爭論虛理是非

常言理駁千層無定準。明白真禮的人。凡事一言可了。故曰明人不待細說。若其人不知真禮。網在虛理障中。爾說東。他扯西。爾說南。他扯北。千萬言也難得說清。爭論一場。仍是白費。例如而今講哲學。講法律的人。甲引一前提。乙據一公例。丙持一某項。丁扯一某條。驟然聽來。公說公有理。婆說婆有理。究竟不知誰是誰非。以真禮衡之。都是胡說亂道。自欺欺人。巧令鮮仁。古人所恥。莊子所謂彼亦一是非。此亦一是非。固不得而正之。卽爲此迷虛理爭是非者說法也。故我今凡事以真禮爲衡。撇却一切虛理是非。不與人爲無益之爭論。苟於禮所當爲。有益於己。有益於人。有益於天下國家。衆人不爲。必獨力爲之。知我罪我在所不計也。

非明哲英雄不言人事

英雄造時勢。時勢造英雄。但必爲明哲之眞英雄。方可與言決大疑。定大計。成大事。期於挽回世道。救正人心。人力可以勝天也。英雄能造時勢也。如孔子爲政三月。魯國大治。轉無道爲有道。卽造時勢之眞英雄也。若夫隨氣數播弄之假英雄。卽時勢所造之英雄。只知道有強權無公理。奸謀詭計。可以操縱一時。而不知堅強者死之徒。人有機謀。天有巧報。行險僥倖不已。時勢一去。到頭無一不殺身亡家。禍國殃民者。近如歐西之德帝。遠如中國之秦始皇。自以爲人事萬能。勢力萬能。結果適得其反。所謂人無遠慮。必有近憂。假英雄終不能成不朽之大事業也。當世果有明哲之眞英雄出現。可斷言中國統一。萬邦協和之大事業。猶運諸掌耳。故至聖云。如有用我者。期月而已可也。三年有成。

別有高人獨立不移

當初聞道時。吾師曾切告之曰。吾道乃修齊治平一貫之大道。這輪甲子。否極泰來。到那否極的時候。中外皇皇大亂。任何偉人策士。一切手段用盡。計無所出之時。必要有人知道。以道德仁義安天下。爾今可出外訪尋。如別有高人。比吾道高一分。別有良方。可以修齊治平。爾卽輔助他成功。爾之志願可了。他成

功。卽是爾成功。故我數十年來。不辭登山涉水之苦。聞某處有個有道高人。一定要訪着他。卽民國初元。在成都辦會。後又來北京立學社。亦無非集衆思。廣衆益。就正高明有道之人。奈何舉目中外。多半是爭強逞霸。時勢所造之英雄。或則方技小術。矜奇好異之外道。從未見有真以挽回世道。救正人心。天下一家。中外一人。爲己任之大英雄。大聖哲。來辦古今中外。道集大成之大事業者。我因前受師託。並所發志願未了。不得不引爲己責。獨行其是。無論他人信不信。我之志行已定。總是不移。

不怕人毀怕自毀

人必自侮。然後人侮之。故凡爲人處世作事。只要自己認得真。不怕他人說真說假。說好說歹。終有水落石出之一日。若自己先假。縱一時敷衍得好。終必敗露。故真是自真。假是自假。譬如賣物。甲是真金。乙是黃銅。冒充真金。甲之真金。既真。價值自昂。或且不加裝飾。乙既係冒充真金之黃銅。賣價自廉。或且裝飾得比真金好看。設有時丙買得真金。丁買得冒充真金之黃銅。以歸衆人見之。不辨真假。或且以真爲假。認假爲真。顛倒毀譽。然無論衆人說真說假。誰毀誰

譽。而賣真金之甲。自知是真。心中坦然。賣假金之乙。自知是假。總放心不下。一旦投入分金爐中。真假必現。前此誤真爲假之衆人。方且自愧失言。轉毀爲譽。而買得真金之主人。更且喜不自勝。前此認假爲真之衆人。必且自慚無識。反譽爲毀。而買得假金之主人。更當憤恨無已。可見真的到底是真。衆人毀之。不能變真爲假。假的到底是假。衆人譽之。亦不能變假爲真。故曰真是自真。假是自假。卽毀是自毀。譽是自譽。

無事辦實事有事自然成

語云。到處留心皆學問。凡學問不在有事時造。要在無事時造。到有事時。始來造學問。則事已迫不及待。必無事時。先造就真學問。一到有事。舉而措之而已矣。例如未做知事。先造有百里才的實學。到做知事。自能興養立教。衛國安民。未當總長。先造有總長的實學。一當總長。自能經天緯地。過化存神。孔子爲政三月。魯國大治者。由其先造有內聖的學問。用之則行也。卽如我平日在學社。看是無事。然天天在經營社務。辦實事。造實學。亦是舍之則藏。如天欲平治天下。當今之世。有真知己。知道用道德仁義。治國安天下。亦敢斷言期月可已。三

年有成。昔宋太祖杯酒釋兵權。千古傳爲美談。今以道德仁義安天下。並杯酒用不上。只在一言一笑。必底於成。

凡聖賢仙佛言行不知要求其知

君子有三畏。一畏聖人之言。以凡聖賢仙佛之言。外而文章。內含性與天道。故言而世爲天下則。至其行爲。自無一不是大中至正。可爲天下萬世法者。不過大聖人之言行。有經有權。有爲一時一般。或一人言者。有爲天下萬世言者。其行動有因時制宜。功在一時者。有普利人羣。功在萬世者。若不知其真相。泥而鮮通。貽害匪淺。例如喪欲速貧。死欲速朽。本孔子有爲之言。曾子認以爲是。有子則以爲非。夫子之言。曾子固執之。有子乃以爲必是有爲而言。後果證明其然。又如求也。問聞斯行諸。子曰。聞斯行之。由也問聞斯行諸。則曰。有父兄在。公西華特爲問明。始知是因人施教。其他各教經傳。類此者亦多。卽如耶穌爲闢多神教。而曰除我以外。別無上帝。後世門徒。不得其解。致釀成新舊教爭。耶回教爭。至今流毒未盡。又如佛以富貴逼人。人多耽溺。故舍皇宮而修苦行。又以天下無道。人多相爭相奪。故教人慈悲施濟。梁武身爲帝王。不知以道濟天下。

乃徒粗食素衣。恤孤供僧。以爲是佛。卒至餓死臺城。反遭佛譴。是皆誤解聖賢仙佛之言行。名在學聖賢仙佛。實是違背聖賢仙佛之真旨。而爲聖賢仙佛之大罪人。故我們修道於聖賢仙佛之言行。要求其真知。真知而後能真行。有爲者亦若是。

大聖人天智所定之實禮維持不敢破壞

凡大聖人立教。皆由性與天道中。自然流露出來。故其所定卽是實禮。千萬世行之而無弊。例如中國古大聖人所定之三綱五倫八德。純是天秩天序。小而個人。從之則吉。逆之則凶。大而國家社會。依之則治。反之則亂。歷史昭然。可爲殷鑒。乃今竟有無知妄人。順末劫世界之惡潮流。爲投一般人情欲中之所好。以便收爲己用。遂不惜公然非薄先聖先王。並其所定綱常倫紀之實禮。誣毀破壞。無所不至。現社會之惡劣險象。有由來也。蓋以舊防爲無用。而壞之者。必有水患。以舊禮爲無用。而壞之者。必有人患。故其乖僻自是。誣蔑聖人。其罪小。逢迎長惡。貽害人羣。其罪大。此等人之喪失良心。墮落人格。將不知伊于胡底。我等修持人。就要有大智慧。大眼光。不爲虛理所迷。而爲實禮是則。得志則因

革損益。繼往開來。定萬世太平。不得志亦循規蹈矩。守先待後。爲社會矜式。斯不愧爲道德中人。

凡事自強先立一中正之道期必能達到目的

今人動言要自立自強。這句話真說得好。尤爲修道人之金針。但自強先要立一中正之道。既不隨順潮流。以造亂爲自強。亦不乖僻自是。以頑固爲自強。凡事總期一人可行。萬人有益。一方可行。萬方有益。一時可行。萬世有益。如耶穌愛人如己。釋迦普渡衆生。孔子締造大同。大中至正。普利人羣。雖一時有志未逮。千萬世奉爲楷模。况于今大道宏開。大同禮運。迨將實現。自吾照此目的。直往前行。必定天隨人願。有志竟成。

視聽言動行住坐臥不求有功只期無過

古人束身自好。有於自己存心行事。每日自行記功。記過者。亦改過遷善之一方便法門也。然人落在紅塵。六根六塵。容易污染。寡過未能。違言記功。所以耶穌說世人都是有罪的。惟有回向上帝。可以免罪。顏淵問仁。孔子告以視聽言動。戒其非禮。道家云。行住坐臥。不離這個。皆是教人篤信好學。先期無過之微

意也。我今先自檢點。亦只如是而已。

辦事成功者功歸於天。事有未成者過歸於己。

謀事在人。成事在天。故凡辦事能成功者。非人有何能也。實無爲無所不爲之。天道主之。不過借人力而爲之也。禹之治水。稷之教稼。功莫大焉。而禹猶不矜。能伐功者。知是天工人代。不敢自矜伐也。况下於禹稷之事者乎。若夫辦事失敗。則是人謀不臧。不能上合天道。下順人心。故爾失敗。書曰。惟命不于常。道善則得之。不善則失之也。上不能怨天。下不能尤人。總是辦事人自己不善辦之過也。卽如我今能在此說法。闡發大同。繼前聖未逮之志。舉前聖所未成。而我能成者。亦非我一人之功也。正是大道宏開。天不愛道之賜也。如我說法。不能驚人動衆。俾聞者超昇。信者得救。則是我說未盡善之過。非天不與。當事者自不能辭其責也。

知時務明哲保身守本分各盡其道

識時務者爲俊傑。故生今之世。必要成今之人。要成甚麼人。必要知現在的時。是否極泰來。要成大同世界。君子道長。小人道消。故現在的時務。再用不着

強權法律。奸謀狡猾手段。是要以真道德仁義治國平天下。故我們要力行道德仁義。成個大同人才。保身保家。保國保天下。萬不可隨波逐流。愚而好自用。賤而好自專。或鼓吹自由。或附和強權。以致害國害天下。到頭反以殺身亡家。貽臭萬年。縱當否泰交關。道德仁義之說法。暫時無人聽信。吾人亦應引爲己責。爲本分。素位而行。各盡各道而已。

有益世道人心之事委曲求全

當今之世。否極泰來。全球萬國。皆將陷於每况愈下。不可收拾之悲境。如欲挽回世道。救正人心。轉爭奪相殺之黑暗世界。爲賢親樂利之光天化日。舍中國古先聖賢早發明已驗實之道德仁義。斷斷乎不能。奈何四顧茫茫。爭強圖霸者有之。邪說誣民者有之。獨此蕩蕩平平。無黨無偏之大道。不見有人提倡。有人實行。我今乃大聲疾呼。知其不可而爲之者。因前受師之託。所發之誓願未了。雖人不見諒。任何艱難困苦。亦不得不委曲求全。蓋天下無難事。有志者竟成。亦斷無便宜事。有恒者乃底於成也。

知堯舜之道爲仁之本

堯舜之道。孝弟而已矣。何以如是如是。孝弟二字。在後天言。則是處世爲人。完全人格之正軌。在先天言。則是天性中自然之流露。爲人之本根。故有子曰。其爲人也孝弟。而好犯上者鮮矣。不好犯上。而好作亂者。未之有也。蓋以爲人而。知孝弟。必不失爲好人。又曰。君子務本。本立而道生。孝弟也者。其爲仁之本與。則以真然純孝純弟。卽是天真燦爛。率性而行。卽返入原始之真境矣。故曰。其爲仁之本。夫仁爲人之生機。生生不已。而真純之孝弟。則爲生機中之生理。生生不已之源泉也。故曰。孝弟之道。通於神明。光於四海。堯舜之道。孝弟而已矣。

真成事者人力勝天也

凡事人力辦之。天道成之。若使無爲天道中未成象。任爾人力如何經營計畫。終必失敗。所以說謀事在人。成事在天。天定勝人也。但要知天道成全一事。亦非偶然。孟子天降大任一章。說得明白。若人辦事。受不得魔考。亦難決定有成。故古今來。真英雄大聖賢。能一時辦事。萬世留名。成不朽之大事業者。要皆有大智、大仁、大勇之達德。目的。一定。直往向前。任爾天魔、地魔、人魔。如何阻撓。亦是百折不回。所以終能達到目的。如此者卽所謂挽回世道。救正人心。人力亦

可勝天也。勝何天。人事曲盡。氣數之天。無能爲力也。故真成事者。人力必定勝天也。

凡好歹得失罪歸於己。無事不可了。無事不可成。無入而不自樂。

書曰。責人斯無難。惟受責俾如流。是爲艱哉。故世人辦事失敗者。多半不是怨天。就是尤人。從不肯引爲己責。自怨自艾。所以失敗以後。無事則已。有事仍然不免失敗。惟凡好歹得失。罪歸於己。有則悔之。無則加勉。如此縱有失敗。亦可挽回。若無所失。終亦不至有失。所以無事不可了。無事不可成。無入而不自樂。孔子云。躬自厚。而薄責於人。則遠怨矣。此之謂也。

凡事認貞。卽能流名。千載馨香萬世。

當今教育不能實行。人心不能改正。只因缺一貞字。人果知以貞字爲人。自然非禮勿視。非禮勿聽。非禮勿言。非禮勿動。自然入孝。出弟。謹信。愛衆。親仁。人人求爲君子。猶恐不及。誰甘願爲小人而失貞。如此而天下猶有亂臣賊子。吾不信也。當今中國不能統一也。由在位者心中無貞。故不能愛身。愛家。愛國。愛天。

下。若是貞心爲政。民之所好好之。民之所惡惡之。那有如此爭權奪利。害國殃民之事。正是認假爲真。真而不貞。不到殺身亡家地步。不能了事。尙何統一之可言。如果回轉頭來。轉真爲貞。自然能愛身、愛家、愛國、愛天下。不但說統一中國。並且協和萬邦。開萬世太平。故曰貞者事之幹也。

吾今再以下下乘說法。望天下人人將真假之心。換爲真貞之心。自以貞辦事。人不貞我貞。名不真實貞。自然君子之德風。小人之德草。草上之風必偃。如孔子以貞字爲政。三月而魯大治。正是爲政以德。譬如北辰。居其所而衆星共之。何所共。共其政德合一。地天泰也。貞形而上。於天爲元氣。貞形而下。於地爲福氣。果在位者保合太和以利貞。萬福來同。人同此心。心同此理。於以締造大同。何難之有。

四子書中。只有一貞字。曰君子貞而不諒。可見貞字之貴。貞者天道之誠。人心之至善也。故人作事。心中有貞。則人莫敢不認貞。故一言貞。而真假之真可以去。不言真。而真正之貞自然存。譬彼金剛。任爾千磨百煉。到頭終是真。何以真本是貞。焉得不真。故真者自貞。非外來也。今將一貞字。立爲大同之法。人道備。

矣。大同世界之人作事。卽是自貞。自貞卽實禮也。猶如黃中通過虛理。而存實禮。正位居體。美在其中。而暢于四肢。發於事業。美之至也。孟子曰。我善養吾浩然之氣。卽養貞也。故能塞於天地之間。如人言行不真。則舉手無措。言行一真。則理直氣壯。譬如用真假之真騙人。而心無真。人必有不真之色現於面。那時非盟誓不足以取信。雖盟誓。而心早已不貞。到頭還是不真。

今以貞字立法。是天然之貞。自然之貞。毫無虛假勉強。故至聖云。君子貞而不諒。不諒者。不假思議。無所執着。卽所謂如是如是。故聖人有所不知。君子知之。由其貞也。聖人有所不能。君子能之。由其貞也。蓋聖人有聖之清。聖之任。聖之和。其中有一端之真。而非全體之真也。故君子語大天下莫能載。語小天下莫能破者。貞之至也。貞者正固之體。如今人重團體。可惜不貞。故朝爲同黨。夕爲仇敵。果貞矣。始終如一。未有不能成事者。二人同心。其利斷金。卽是此義。又團體中亦有幹事之名。真能幹事。卽貞也。蓋貞固方足以幹事也。如以真假之真來幹事。猶以天平稱物。有地針。無天針。輕重不準。若以貞字幹事。天針對地針。地針對天針。上下一貫。絲毫無差。如周公攝相。三叔流言。謂公將不利於孺子。

然風雷之變。卒感王心。周公之貞。且大白於天下後世。王莽以真假之真。謙恭下士。以致頌功德者數十萬人。臨死至於漸臺。猶強辭自命爲真主。曰天生德於予。漢兵其如予何。遺臭萬年。死不知悟。真而不貞之害也。又如今之鄉愿。僞君子。居之似忠信。行之似廉潔。非之無可舉。刺之無可刺。自以爲是。衆皆悅之。然終不能入堯舜之道。亦真而不貞之故也。今說破天機。但願世之真小人。僞君子。舍假真而成真貞。自然成真正之貞君子也。世有以假賣真。彷彿似真。終久現出假來。因內未貞。外雖事善而心不善。若內外俱真。則爲貞。貞者真實不虛。由內發外。充實而有光輝之謂也。故真與貞有天淵之別。如守節之女。一時雖有真心。尙有邪念未盡。終難保貞。若是貞節。內念不生。外邪不入。根本堅固。無有間隙。內中乾淨。白玉無瑕。就是一貞。無有可說。亦無對待。如深潭止水。澈底澄清。百搖不動。卽是永貞。人能一貞永貞。則百官之富。宗廟之美。卽在是矣。

眞貞四大愛之實行實德

按此篇。由四十九年之經驗閱歷。性分中自然流出之貞意。以世俗文章看。未能盡善盡美。作爲實行實德讀。頭頭是道也。上士聞

道勤而行之。中士聞道。若存若亡。下士聞道。大笑之。非笑也。是實不知道也。故不得不笑也。如不笑。不足以爲道也。但天下之義理無窮。一人之知識有限。故今集衆思。廣衆益。就高明。正有德。是吾人知己中之四愛。卽一日不可無事。一日不可無聞。一日不可無樂。一日不可不知道。此四者。貞四大愛。君子日用常行之樂也。其有心問身。身問口。口問行。四問合一者。造時勢。眞英雄之實言。實行。實功。實德。一時作事。俎豆千秋。眞貞四大愛也。

〔一〕眞貞愛身者。

善愛身之人。明哲保身。不抱自殺主義。成己期必成人也。故君子成人之美。卽是眞貞愛身也。

〔二〕眞貞愛家者。

善齊家之人。老幼尊卑。各守名分。明天倫之真樂。保全綱常倫紀。以孝弟爲人。不犯上作亂。卽是眞貞愛家也。

〔三〕眞貞愛國者。

善治國之人。不但維持同胞種族。必期實行親親仁民之義。以中國爲一家。卽是眞貞愛國也。

〔四〕眞貞愛天下者。

善平天下之人。四海之內。四海之外。皆如手足兄弟。由仁民而愛物。以天下爲公。選賢與能。卽是眞貞愛天下者也。

【一】眞貞愛身者

太上有云。善惡之報。如影隨形。故人有機謀。天有巧報。知足常足。終身不辱。知己知彼。百戰百勝也。世有眞知愛身者。當先與研究衛生之學。日用起居。如何方能少病災。如何方能却疾病。如何方能身體康強。此雖涉於丹經小術。亦可

觀也。但得其中之真禮。自然身安體強。安享人生。身體自由。得人生真貞之樂趣。此乃得衛生之學。僅養凡命也。再進一層而言。其中還有養生之道。如孟子云。我善養吾浩然之氣。如何方能盡其心。知其性。則知天矣。存其心。養其性。則可以事天。如何方能窮理盡性。以至於命。如何方能仁者人也。合而言之道也。如何爲大學之道。豈是皆以修身爲本。如何能明明德。親民止至善。如何能知止定靜安慮得。如何能知中庸修道之謂教。致中和。天地位焉。萬物育焉。如何能知論語首章。不亦說。不亦樂。不亦君子乎。如何能知有諸己之謂信。充實之謂美。充實而有光輝之謂大。大而化之之謂聖。聖而不可知之之謂神。如何能知至誠之道。前知前能。如何能知至聖云。民之於仁也。甚於水火。吾見蹈水火而死。未見蹈仁而死者之真義。卽是真儒不死。長生之說法。如何方知佛家不生不滅。不垢不淨。不增不減。妙有不有。真空不空。如何方知太上之抱一守中。有欲觀竅。無欲觀妙。同於道者。道亦樂得之。同於德者。德亦樂得之。同於失者。失亦樂得之。如何方知先有吾神。後有天。如何方知上天下地。惟我獨尊。如何方知君子之道費而隱。夫婦之愚。可以與知。與能。及其至也。雖聖人亦

有所不知不能。故君子語大天下莫能載。語小天下莫能破。此皆先聖後聖。過去實行成身了道之言。吾人今日不但求其知。求其明。尙須實行其道也。在前聖爲古之學者爲己。在今吾人爲眞貞愛身者。卽是溫故而知新。知己克己。爲己成己。此四大者。君子自強不息。修其身而天下平也。

【一】眞貞愛家者

中華上古。是指讓共和之國。家庭之貞樂。在尊卑上下。各守本分自然之孝和。安享天倫之樂。在其中也。諺云。清官難斷家庭事。故身好修。家難齊。加以而今開通時代。家庭制度。不取嚴格主義。齊之尤不容易。人生家庭之苦。莫過於父不慈。子不孝。兄不友。弟不恭。夫不和。妻不順。况如今人夫婦。作爲兒戲。自由結婚。自由離婚。彼此痛苦難堪。良可慨嘆。故爲人子者。如何眞貞謂之大孝。顯親揚名於後世。爲人父母者。如何能堂前教子。成家立業。光宗耀祖。改換門庭。且使兒女孝順父母。眞有打不痛。哭母衰之至情。不但昏定晨省。並能諭親於道。揚名於天下。爲人夫者。如何能房中教妻。肅雝和平。爲人婦者。如何能相夫興家。完成婦言。婦容。婦德。婦工。夫婦和睦。推之一家相親相愛。各守本分。父慈子

孝兄友弟恭。詩云：妻子好合，如鼓瑟琴。兄弟既翕，和樂且耽。宜爾室家，樂爾妻孥。子曰：父母其順矣乎。斯乃家庭有此真貞天倫之樂。人倫之真，自然安享人生無上之幸福。正是家和萬事興也。

【三】真貞愛國者

國之興亡，匹夫有責。當今國家混亂，人民痛苦。吾人是國中一份子，不得不保全國本。真貞使人民自由平等也。中國自來專制時代，家族念重，故人多不知有國。而真知愛國者，實難乎其入。歐美各國愛國心理，似乎較勝中國。然講優勝劣敗，講鐵血主義，講強權，滅公理，只知愛自己之國家，即以他人之國家為敵人。例前德意志之人民，全國一心，全國皆兵，逞強稱霸，此雖愛國，而非真貞愛國者。所謂武人愛國，眼前愛國，縱然一時國富兵強，終必失敗。又如現在中國，男女英雄，不知真貞愛國，而反將國家蹂躪不堪，以致十五年，民不聊生，使國家無一日之安寧，皆謬解愛國，而反以害國也。當今如有真正英雄，真貞愛國者，要想研究如何能統一中國，如何能使中國真正統一共和，使全國人民真貞安享自由平等之幸福，乃為造時勢之真英雄，真貞愛國之大丈夫也。

【四】真貞愛天下者

否泰交關。天地不仁。以萬物爲芻狗。人爲天地之心。萬物之靈。故真君子修其身而天下平。是扭轉氣數不仁而仁。萬國咸寧。所謂當今真正愛身者。卽是古之克己復禮。天下歸仁也。有身自然有家。家齊然後身安。有家自然有國。國治然後家可保。人人保家。自然而然。天下太平。但古今無亂國。無亂民。堯舜之天下。亦非堯舜之民也。桀紂之天下。亦非桀紂之民也。湯武之天下。亦非湯武之民也。春秋亂世。至聖治魯。三月大治。亦非至聖之民也。堯舜帥天下以仁。而民從之。桀紂帥天下以暴。而民從之。其所令反其好。而民不從。一言以蔽之。爲政在人。君子之德風。小人之德草。草上之風必偃。古今中外皆然。人民情勢之所當然也。卽天道之自然而然也。當今地天泰時。中外環通。人民當日新又新。共趨進化。如愛身、愛家、愛國。而不知愛天下者。卽有種族之分。國際之爭。仍不免爭奪相殺。將何以保身、保家、保國也。故真正大英雄之量。卽是聖賢之心。尤當有愛天下之大眼光。大器量。大魄力。方知天下者。天下人之天下也。有德者居之。有道者治之。故曰大哉聖人之道。洋溢乎中國。施及蠻貊。舟車所至。人力所

通天之所覆。地之所載。日月所照。霜露所墜。凡有血氣。莫不尊親尊親者何。大學之道。人人實行修身齊家。治國平天下者。世界不期自然成爲大同極樂淨土。卽是大英雄。真貞愛天下之聖人也。

上陳四義。實人道之指南。應時之良藥。在位之人。實行其道。世界不期而大同。竊思天地之大。何地無才。必有聲應氣求之感。況中華素稱禮義之邦。最文明古國。爲修身齊家。治國平天下之發源地。而今騷亂靡已。反不如歐美之列強。尙得苟且偷目前之安。當今可恥可憐。可惜可笑者。吾人中華也。禮義之邦。不如後進之國。吾人思之。堂堂中華。何地無人。何處無才。不過時機未熟。未能聚首談心。如有生今之世。願成今之仁人。爲大道愛子。天地功臣者。真貞愛身。以愛天下。自然中至誠之道。上天無有不隨人願。不但有求必應。有求必得。而且有朋友自遠方來。不期而風雲聚會也。

附解真貞愛身者

(今略說其淺中之相其餘待聖者知己發明其中精微至禮)

真愛身自愛也。我能自愛。誰不愛我。我不自愛。誰能愛我。真愛身。是君子自重。君子自強不息之學問問學也。真愛身。身體髮膚。受之父母。不敢毀傷。真愛身。

凡事已欲立而立人。已欲達而達人。貞愛身。日求寡過。樂取於人以爲善。人告之以過則喜。貞愛身。凡事成已期必成人。貞愛身。愛人者。人恒愛之。敬人者。人恒敬之。貞愛身。已所不欲。勿施於人。貞愛身。凡作一事。不求有功。只期無過。貞愛身。不貪天功。不擅己能。貞愛身。罪歸於己。功歸於天。貞愛身。凡事自責。自反。自問自罪。貞愛身。能言期必能行。貞愛身。不作無益事。不用非理財。貞愛身。謹言慎行。不失言。亦不失人。貞愛身。不自欺。欺人。欺師。欺道。貞愛身。凡一言一行。仰不愧天。俯不忤人。貞愛身。邪淫浪飲。貪利殺生。絲毫不犯。貞愛身。謹守王法。尊重師道。善交朋友。貞愛身。畏天命。畏大人。畏聖人之言。貞愛身。大悲大願。大聖大慈。貞愛身。不自暴自棄。凡事委曲求全。貞愛身。凡作一事。開誠佈公。貞愛身。畏失信。畏自毀。畏生今之世。不能成今之人。貞愛身。克勤克儉。不暴殄天物。貞愛身。不在其位。不謀其政。凡事素位而行。貞愛身。飲食衣服。言行動靜。處處小心留神。貞愛身。不妄想。不妄言。不輕舉妄動。貞愛身。胆大而心細。智圓而行方。貞愛身。不與人辯是非。顯己之長。道人之短。貞愛身。不自矜。自滿。自是。凡事謙讓和平。貞愛身。不以言舉人。不以人廢言。貞愛身。已能獨立。又能服從。貞愛

身不隨波逐流。不輕言是非。衆好必察。衆惡必察。和而不流。羣而不黨。貞愛身。篤信好學。守死善道。危邦不入。亂邦不居。貞愛身。凡事知之爲知之。不知爲不知。貞愛身。擇善而從。不善而改。貞愛身。明道修身。是道則進。非道則退。貞愛身。知過能改。知善必爲。貞愛身。讀古人之書。不被古人所愚。學今人之學。不被今人所惑。貞愛身。凡事罪歸於己。忍性耐煩。無事不可了。貞愛身。不好勇鬪狠。一朝之忿。忘身及親。貞愛身。盡人事。聽天命。貞愛身。小事寬容。大事認真。貞愛身。知道有爲中盡人事。合無爲中之貞天道。貞愛身。知道貞學問。貞道德。貞仁義。眞貞修齊治平之內聖外王。仁心仁政。貞愛身。知道國家無亂民。天下無亂世。爲政在人。貞愛身。知道爲政以德。譬如北辰。居其所而衆星共之。貞愛身。知道無爲中。有貞主宰。有爲中有貞神仁。盡人事。合天道。貞愛身者。有志竟成。以上說貞愛身之人。知養生之道。其中卽是眞貞爲己。凡非己之物。而絲毫不。用。保全身心性命也。窮則獨善其身。達則兼善天下。正是知己爲己。愛己成己。有此四大己者。眞愛身。與人同樂也。

徵求四等賢才聚首談心

四大賢者。爲四大假合而成天地之說法也。又爲地水火風聚會。人能弘道也。將萬國九洲。造成大同世界。錦繡乾坤。宇宙之中。無有不平等之事業。無有不平等之人民。無有不平等之政治也。

〔一〕選學問。問學超羣。凡事能言能行。不言空理文章。不作無益事業。不用非禮之財。尊德性而道問學。致廣大而盡精微。極高明而道中庸。在社會中有數十年之經驗閱歷。未用公家之錢財。未受國家之名位。詳察其人。一生不但無嗜好無劣跡。並能在世俗中。辦公益之事業。真貞之實行實德。可爲天下萬世法者。

〔二〕選讀古人之書。不被古人所愚。溫故日新又新。學今人之學。不被今人所惑。凡事踏實認真。關懷世道人心。擇善而從。不善而改。想生今之世。成今之人仁者。

〔三〕選聰明伶俐。對人不自矜。不自滿。不自欺。凡事虛心下氣。造成己成人之學。始終心口如一者。

〔四〕選知尊卑上下。凡事安分守己。忠厚老成。言行不苟。知孝弟爲人。不敢犯

上作亂守王法。重師道。凡事不恥下問。顧惜廉恥者。○以上四等。可爲師者。師之。可爲友者。友之。互相研究。擇善而從。不善而改。此爲君子矜而不爭。羣而不黨。我中華國家有此真貞人材。方能統一中國。協和萬邦。

一 徵求志在一身心在天下者

○一知時務。方爲俊傑也。○二造時勢。方算大英雄也。○三開萬世太平。方算真豪傑也。○四能挽回世道。救正人心。方算大丈夫也。○五一言一笑一行。可爲天下萬世法。方算君子貞而不諒也。○六志在統一中國。協和萬邦者。真正英雄之量。聖賢之心也。○七有志造大同極樂世界者。卽真聖賢。成己成人之道也。○八願作祖宗之肖子。世界之完人者。爲不虛生成仁也。○九願作大道之愛子。天地之功臣者。是無量劫濟人利物之修持。故今有此遇合。彼此皆收圓滿美滿之結果。不但能收圓滿美滿之結果。並能撐天立地。爲不生不滅之真人。

世有仁人君子。將此四大愛者看明。能知己爲己。成人成己。同心同德同願者。吾人尙有各種書籍。請再校正。人生紅塵浪滾中。天下義理無窮。故今集思廣

益。正高明有德。互相研究進行。使中國早日統一。萬邦自然協和。方不愧生今之世。成今之人也。正是中天下而立。定四海之民。當仁不讓。能者從之。

修齊治平之必要

法律祇可以一時治愚民。而不可以長久修齊治平。武力祇可以一時治柔弱。而不能長久修齊治平。陰謀祇可以一時敷衍政客。而不能長久修齊治平。假仁義祇可以一時粉飾假文明。而不能長久修齊治平。文明盟約祇可以一時連合圖強。而不能長久修齊治平。專制祇可以一時壓制軍民。而不能長久修齊治平。維新學祇可以一時轟動青年。而不能長久修齊治平。老舊學祇可以一時腐敗迂酸。而不能長久修齊治平。專以鬼神設教。祇可以一時迷信無知。而不能長久修齊治平。專破壞鬼神。祇可以一時抹煞聖神。而不能長久修齊治平。真貞長久修齊治平。真學問。貞問學。貞道德。方能永久真貞修齊治平。人心之當然。大道之自然也。何以故。其中能盡人合天。天人合一。人神合一。成己又能成人。一人有益。萬世無弊。一方有益。萬方無弊。其中雖然民之所好好之。民之所惡惡之。還要求其衆好之。必察焉。衆惡之。必察焉。貞知識。貞學問。貞問

學能如是者。修齊治平。祇在爲政一人。如反掌耳。

以上所言。皆是修齊治平。對症施藥之妙方。但一言以蔽之。爲政在人。如果爲政之人。有智仁勇之德。有般若波羅密之智。卽是君子爲政之德風。故事無真假。禮無是非。祇看是君子爲之。小人爲之。君子斷不能做壞事。小人斷不能做好事。兩相反照。其禮卽貞卽明。卽實在也。常言小人枉自爲小人。君子樂得爲君子也。正是種麻得麻。種豆得豆。天網恢恢。疏而不漏。誠哉是言也。若爲人有智仁勇之德。般若波羅密之心。自然中用的觀音智。豈但爲修齊治平之大英雄。實成眞作聖。中外馨香之神人也。

吾人今何不問世也。因不在其位。不謀其政也。卽有伊尹之才。不遇成湯。而不能展其才。有姜尙之神通。不遇文武。而不能施其用。故知己難逢。眞正二人同心。其利斷金。故事爲知己說。道爲知己行也。

再說不敢問世之眞義

吾人今日不敢問世者。猶恐己學未成。焉能成人。己學未成。害己一身。其罪小。己學未成。而害天下人。其罪大。今之想入非非者。想沽名釣譽。想大出風頭。

其身修與未修。姑置不論。祇看他家齊與未齊。不修身不齊家。而言治國平天下者。此乃假英雄之說法也。若是真英雄。而有聖賢志者。斷乎其不敢言也。不能齊家。而能治國平天下者。未之有也。此卽是輕舉妄動。欺世偷名。獲罪於天。無所禱也。古之大學。所謂誠其意者。毋自欺也。故至誠之道。可以前知。豈但修齊而已。治國平天下而有餘也。吾人今日不言治國平天下。猶恐自誤誤人。亦不問吾身修與未修。祇看吾家齊與未齊。果能真貞齊家。卽爲先進於禮樂之野人也。至聖云。先進於禮樂。野人也。後進於禮樂。君子也。如用之。則吾從先進。天下之本在國。國之本在家。家之本在身。故自天子以至於庶人。壹是皆以修身爲本。知此明此。實行其道者。可行於妻子也。吾中華文明之國。禮義之邦。每見賢者修身易。而齊家難。何也。蓋賢者之修身。是安分守己。將己身之貪嗔痴愛。六慾七情。掃除淨盡。此乃是佛門羅漢修身。萬緣放下。自身閒。故修身易也。貞儒家修身不然。還要齊家。但齊家要行道之人方能也。是故曰。身不行道。不行於妻子。修身與齊家合而一。分而二。各有天淵之別也。故今日吾人不在修身看。祇在齊家論。每見古之賢者。欲要行道而不能。故修身與行道。不能合一。

也。吾人修身與行道合而爲一。則治國平天下如反掌。看似大言不慚。果能齊家盡善盡美。方敢問世。不言治國平天下。而自然治國平天下在其中也。竊思吾中華禮義之邦。爲道德發源之地。吾人幸生斯土。正是人身難得。今已得。中土難生。今已生。大道難逢。今已逢。此身不向今生渡。再待何時渡。此身要渡。此身貞能齊家。卽是渡身。貞能渡身。卽是治國平天下也。今吾人徵求四大愛者。卽是徵求修身齊家治國平天下之聖者。回思吾中華地廣物博。何地無才。何地無人。不過天時未至。時機未熟耳。嘗言有緣千里來相會。無緣對面不相逢。果時至機熟。自有貞英雄大丈夫。欲要修齊治平者。不期而遇。互相研究。得修齊治平之貞樂。吾人之幸。亦天下人之幸也。貞樂在其中。正是踏破鉄鞋無覓處。得來全不費工夫。假英雄無真知識。行險徼倖。成事卽是敗事。一時作事。萬世罵名。回頭用天智。一時作事。萬世留芳。

當今各種學說之評論。百零八段中。有爲無爲。故無所不爲。凡事雖天生。天化。重在人事。實行天

倫略刻其七。來復之義也。

(一)單講人定勝天者。

世有只知盡人事。巧奪天工。而成大業者。以爲人定勝天。而不知其中之人力。無心暗暗合了天。方得如是也。

（一）單講天定勝人者。

世有只知聽天道。廢棄人事。坐以待斃者。而不知惟命不于常。道善則得之。不善則失之。天隨人願。

（二）單講信鬼神者。

世有凡事依賴鬼神。焚香禱告。諂媚求福者。雖敬之。反侮之。而不知有一分之實德。方能得一分之福祿也。

（三）單講不信鬼神者。

世有欺神滅相。而不知有天地。即有陰陽。有陰陽。即有鬼神。故君子之道。本諸身。

徵諸庶民。考諸三王。而不謬。建諸天地。而不悖。質諸鬼神。而無疑。故古人以鬼神立教。變理陰陽。凡作一事。行住坐臥。視聽言動。必期仰不愧天。俯不作人。譬如鬼神。如在其上。如在其左右。十目所視。十手所指。此乃古之以鬼神為德而言之也。今之不信鬼神者。而且無法無天。犯上作亂。無所不為。不可言也。

（四）上知天道中知鬼神下盡人事者。

凡關世道人心之大事業。先立定正大宗旨。與己有益。與人有益。推之天下。萬世無弊。而左右四旁。無人知道。無人辦理。乃始終如一。貞固幹事。萬一有志未逮。而其盛德大業。終必馨香萬代。俎豆千秋。所謂一時不成。而大成在其中也。

（五）世有讀古人之書被古人所愚者。

讀聖賢之書。所作何事。只知空談理想。作詩作文。而

實行不問。正是所學非所用。所言非所行。迂酸腐敗。因祇知古人之文章。而不知古人。入則孝。出則弟。謹而信。汎愛衆。而親仁。行有餘力。性與天道中。實行之文。真真大道在其中也。又不能好古敏求。真是鄉愿德之賊也。如能知道回頭。合古合今。合中合外。均不被其所愚。即是當今之聖者也。

(七) 學今人之學者又被今人所惑

因祇知一時之新而不知真古之舊也。如果能回頭溫故

而知新。真是日新又新。即非時勢所造之假英雄。即是當今造時勢之真英雄。真豪傑也。不但不被今人所惑。一時辦事。中外萬世留芳。

真真知道四大愛者之英雄

自古未聞有法術定國安邦。只見有智仁勇之大英雄。以真道德平

治天下。至聖云。索隱行怪。後世有述焉。吾弗爲之矣。吾人今知道亂天下者小人也。治天下者君子也。時勢所造者。假英雄也。能造時勢者。真正英雄成聖人也。

(一) 英雄能睜眼者。譬如日月放大光明。真正造時勢之俊傑也。(二) 英雄能謙讓和平者。即是大悲大願。大聖大慈。愛國愛民之菩薩也。(三) 英雄有真真之知識者。即是聖賢仙佛。愛天下。平天下。知仁心仁政也。(四) 英雄前不知道者。今若知道。則回頭是岸。放下屠刀。立地成佛。當今又能知四大愛者。爲修齊治平之根本。內聖外王之大道。即是大道之愛子。天地之功臣。一時作事。中外馨香。真真爲英雄造世界。成大同。人人享道德之幸福也。至聖也。至神也。以上數段。說明愛身。愛家。愛國。愛天下之真是真非。元午中天。人能宏道。果能知此明此者。即知真真愛身。愛家。愛國。愛天下之發起人。四大愛者。如願同心。

同德同志。研究善法善政。不用兵車。統一中國。協和萬邦。使人人知道內聖外王之仁心仁政。革除假仁假義。實行真貞之道德。非奇也。非異也。卽當今之真貞公理。自由平等也。聞之至平至常。而行之至神至妙也。當今之時。如孟子云。如天欲平治天下。捨此四大愛者。同歸一元復始。萬象更新。別無他法。今見此四大愛者之草案。願聚首談心研究者。思之思之。神明通之。不期而遇。不約而同。天下無難事。祇怕有心人。天隨人願。有志竟成。今當其時矣。

君子小人之結果關乎國家之治亂

人爲天地之心。萬物之靈。原本至尊至貴。平心而論。誰不願爲君子。孰甘願爲小人。其所以成爲君子。或爲小人者。畢竟原因何在。卽在於一有真知識。一假聰明。有真知識。必成爲君子。用假聰明。終成爲小人。何爲真知識。凡事思前想後。推己及人。光光明明。大公無私是也。何爲假聰明。凡事自以爲能。奸巧百出。只知利己。不顧損人。一片私心作用是也。論來君子作事。何嘗不講爲己。但其爲己。必先成人。故愛人者。人恒愛之。敬人者。人恒敬之。成人之美。人亦成其美。結果乃得真爲己。小人不然。起心便想欺騙人。侮奪人。以遂一己之私。而不

知欺騙人者。終被人欺騙。侮奪人者。終被人侮奪。到頭還同自欺自侮。故君子樂得爲君子。小人枉自爲小人。且君子有過則知改。過也人皆見之。及其更也。人皆仰之。小人自恃聰明。既不知過。又不肯改過。有時欺騙人失敗者。不但不自省。其欺騙之過。猶以爲其欺騙手段。還有未周密處。故致失敗。一遇着再有機會。益復變本加厲。倒行逆施。不做到山窮水盡。殺身亡家不止。此等怙惡小人。忽興忽滅。終亦必亡者。非其辦事時。始見失敗。實是已決定未辦之先。早已失敗也。這是甚麼緣故。其心傷天害理。其言欺己欺人。其事害國殃民。焉得不失敗。何能不失敗。故小人作事。無有個不失敗。否則自天地開闢以來。凡能存在於世界者。應盡是魑魅魍魎。機械變詐之小人。那有忠厚善良存在之餘地。且小人中之最聰明利害。而手段最辛辣者。莫如秦始皇。就該秦氏子孫萬代帝王。爲何不二世而亡。歷史上事實之表現。乃都是忠厚善良人之子孫。流傳久遠。窮凶極惡之小人。多半滅絕不昌。足徵天地間。原自有一定不移之真理。無爲中自有貞主宰主持。分化於其間。任憑小人有多大本領。何等聰明。卽有何等對待。以相報應。所謂人有機謀。天有巧報。故其手段。其聰明。總有使不

靈。用盡頭的時候。卽有時使得靈。用得動者。亦非其假聰明。假手段之能力。還是其前根祖德之所積累。分所應爾也。至於德盡必滅也。故假聰明。實是消前根滅祖德之大魔障。語云。聰明反被聰明誤。卽此義也。修持人第一要斬魔。卽要先去假聰明。運用真知識。聖狂分界。只一轉念間耳。簡切言之。凡知過能改。知善必爲者。卽無真知識也。近乎真知識。不能改過者。縱極自詡聰明。亦是假聰明。假聰明用事。必然福至心愚。故小人滿則招損。真知識用事。必然福至心靈。故君子謙謙受益。

此乃天人合一之學問問學。非有真知識者不易領會。蓋天人合一之學。語近平常。義實包羅萬有。蓋前講道德仁義。一切極好的名詞。若不能見諸實行。終是假物。其結果亦足貽害於社會人羣。故云。惡莠恐其亂苗。惡鄭聲恐其亂雅樂。惡鄉愿恐其亂德。正以有名無實。似是而非之爲害大也。若講名實相符。雖不言道德仁義。而道德仁義之實行實德皆在其中。曾講事無好歹。理無是非。但看是君子所爲。是小人所爲。若是君子所爲。卽極不好的事。必收圓滿美滿之結果。小人爲之。卽極好的事。不但不能收圓滿美

滿之結果。必自誤誤人。此亦關乎真知識之有無。有真知識。歹事可辦得。好無真知識。好事辦成歹事。若無真知識。而有真良心。亦庶幾吉人天相逢凶化吉。小人既無真知識。又無真良心。凡事口裏說得極好聽。事實大謬不然。名實兩不相符。故無論好歹。終不得有好結果。例如中國開化最早。古聖先賢。卽昌明道德仁義。五倫八德。以樂利人羣。由野蠻而進文明。由文明而進大同。歸極樂。本是人類進化好模範。奈秦漢以後。大道既隱。名存實亡。始則魚目混珠。以假亂真。繼則明珠不現。遍地皆魚目矣。相沿既久。人且認假爲真。縱有明珠。茫然罔識。魚目反至奪珠。故現在的人。一提起道德仁義。五倫八德。不以爲迂酸腐敗。不堪適用之物。卽以爲是專橫黑暗。毒害中國。貧弱之根源。相率鄙夷之。破壞之。不遺餘力。噫。豈真道德仁義。五倫八德之過哉。要皆有其名無其實。鄉愿賊德者。貽天下後世以訾議之口實也。又如今人所痛惡之貪官污吏。劣紳土豪。本爲社會國家不好之蝨賊。但若以一二人之私意。任便指摘多數良民。爲劣紳土豪。以便其私圖。勢必至真正之污吏劣紳。反多漏網。而一般良善百姓。反多無妄之災。是欲治而反以滋亂。欲平而愈生不平。非當局之不欲治平。亦

非人民之不易治平也。名實不能相符。故治之反以亂之也。大學舉治平之要曰。堯舜帥天下以仁。而民從之。桀紂帥天下以暴。而民從之。其所令反其所好。而民不從。所藏乎身不恕。而能喻諸人者。未之有也。正切重名實相符與否。實國家治亂之最大關鍵也。

實行道德

當今之人。均視我爲講道德之人。其實非講道德之人。乃道德之革命大家。眞實行道德家也。其有未能見諸實行者。因不當權。不得實行也。非不能實行也。今雖講而實不忍講。以道德本是實行的。不徒口講的。不過堯舜性之。湯武反之。五霸假之。沿至今時。假且不假。又安忍說。因慨夫鄉愿假道德。致釀成中國社會黑暗。今再無人救正。社會人羣流落。將不知胡底。故我出來破壞假的。實行建設真的。以恢復道德本來眞面目。不然徒爲講說。究有何益。前清講聖諭之宣講生等而下之。以至乞丐之流。誰不會講。誰不是口口聲聲的道德仁義。然皆無救其墮落困苦者。因口說是假。未有實行之眞際也。故我非道德講說家。乃道德革命家。道德實行家。期必名實相符也。須知凡事名目無論好歹。

總看有實事無實事。不怕人呼我是強盜。是奸賊。只要能使風清俗美。國泰民安。也是好的。否則國家天天在殺人流血之中。社會天天在痛苦流離之下。縱高揭道德仁義。五倫八德的招牌。也是枉然。故曰。凡爲天下國家。有九經。所以行之者一也。

中華是大同極樂世界之尊號

中華卽中土。中土難生。我等幸生中土。又逢大道宏開時。此身不向今生度。再待何時度。此身我國國體。與各國不同。卽以文字證明。各國文字。圈畫。鈎點。有形無義。中國文字。是表道象。在天成象。在地成形。筆筆皆有意義。如國字。外口。畛域不化。內有口戈紛爭。古由部落成國。今當由萬國成大同。我前講中國。不可作國看。有國則有干戈。大同。大字一人。同字一口。一人開口。外戶不閉。萬邦協和。含天下一家。中國一人之義。一本散爲萬殊。萬殊仍歸一本。此天地自然之道。德統一全球。成大同極樂世界。由四面八方看。中華真是道德文明。駕乎天下。地大物博。無美不備。不過今時道德花未開。人不知道道德花之美味。如能聞君子之道。以道德行政。利己不損人。成人卽成己。互相親愛。互相扶持。修天

爵得人爵。共享悠久無疆之道德幸福。乃實知道德花美味無窮。

中華先聖先賢。數千年苦心孤詣。欲完成道德天下。大同極樂世界。只因時機未到。有志未逮。當今舟車人力。四海環通。正中華道德花要開之時。如有識時俊傑。爲政以德。大邦懷其德。小邦畏其威。真正一國英雄。成萬國英雄。一時豪傑。成萬世豪傑。夫中者天地之心。元氣之所。萬物之主。無過無不及之謂也。故聖人以中立教。中卽是道德。中有華者。是道德開花。而今萬國工藝精美。巧奪天工。爲形下之器。是枝葉所開之器花也。器花開人所好。道德花開神人共樂。孔子云。爲政以德。譬如北辰。居其所而衆星共之。孟子云。中天下而立。定四海之民。卽是中華道德開花。人民享大同幸福。外國不知中華道德。講忠信。盡義務。及愛國爲道德。故僅能發形下物質文明。而形上道德。在我中華中道所開之花。中華是中。非中卽外。譬如一樹。世界各國如花之枝葉。花之瓣。所以聲光化電。奇工巧技。發出來美觀。以及法律詳密。人民愛國。男女自由。種種文明。都是枝葉。不是花心。惟道德是花心。花心未開。不知者如正牆面而立。不見宗廟之美。百官之富。中華開的真正道德華。藏內聖外王。修齊治平之全體大用。堯

舜禹湯文武周公孔孟之實行實德。這個華心開。即是致中和。天地位萬物育。天地定位。萬國九洲同歸一華。所以凡有血氣。莫不尊親。尊親花心道德。國化爲天下。天下者天下人之天下也。有德者居之。有道者治之。國則外圍封口。內室操戈。有權利之爭。無大同之象。中庸云。大哉聖人之道。洋溢乎中國。施及蠻貊。蠻貊者非野蠻也。以形下之物質文明。輔助中華道德之花心者是也。如花無枝。無輔助。枝無花。不顯貴。互相維持。是故曰由文明而進大同也。

識時務爲俊傑

當今中土。華心開時。人人向此華心。華開人見成仁。仁心卽道德淺言。卽人之良心。保全良心。卽人之福命。又卽受了天命。生命財產。不保自保。故曰。一切福田。不離方寸。卽此義也。我前常講天命。不重武力。不重機謀。不重圓滑。不重法律。專重道德。行道德者存。背道德者亡。故道德爲今時救世良藥。奈人不識。斥爲迂闊無用。非道德不適用。實無人真心用之。不怕今時如何糜爛。祇要有一二人真心用真道德。實行仁政。則四方風動。立地可以致太平。小人所識者。強權也。黨派也。金錢主義也。此講富國強兵。一時行險僥倖之政治。盡非大同政。

治。我中華爲道德之發源。外國能受道德感化。則同一爲天下。而不言國。因外國爲中華之輔。中華爲外國之主。中外皆實行道德。無種族、無國界、無教派、無競爭、相親相愛。以道德爲主。道德一名爲上帝。二名爲天爺。三名爲良心。人不知身從何來。得失有主宰。朝日昏昏。真如醉生夢死。即無良心。即不知有上帝。有上帝。並不知身從何來。得失有主宰。朝日昏昏。真如醉生夢死。即無良心。即不知有上帝。有上帝。並失生人之樂趣。是何故。由不知道德爲我君。爲我主也。人人以道德爲主。天下太平矣。不知以道德爲主。天下焉能太平。道德是人人心中之真主。天下萬國。人人共戴此真主。卽人人實行道德。共樂和平。秦漢以來。道德喪失。世無真主。以強權爲主。並不曉得實行道德。至今連講談的也少。彼一政策。此一手段。皆爲保全自己勢力。秦漢以後。專制專橫。能爲一國之主者。是中華枝葉開發之時。強權可用。其中只要有點假仁義。亦可統一一時。享一時富貴。此是受花之枝葉。天命爲之。而今時勢不同。真正中華花心開。必要實行道德仁政。若不然。德威廉不應敗。陰謀政黨不應倒。足見實行真道德。乃當務之急。故識當今時務者爲俊傑。真識時務。英雄聖人也。常言大丈夫生今之世。要成今之人。假英雄尙能識氣數之時務。真識時務。豈非大丈夫。現時時務卽道德仁政一行。解決時局。統一中國。造世界大同。亦有餘裕。如太陽一出。燭火無光。鳳凰一出。百

鳥來朝。牡丹一開。百花無色。中華卽是花心。真正中天下而立。定四海之民。

強權實喪身亡家之禍根

歐洲講生存競爭。尙強權。滅公理。侵占他國土地。權利爲己有。此爲不知道德。不啻蠻貊之邦。名曰愛國。實是禍國。並自禍身家。

歐洲富兵強。外觀文明。內野蠻。富者極富。貧者極貧。富者視如仇敵。明是國家主義。暗是爭權奪利思想。凡只知愛國。不知愛天。下者。其國必兵連禍結。亡國喪家。人民痛苦難堪。此是一定不移之理也。

如德國威廉。鉄血主義。欲掃平全世界。爲萬國英雄皇帝。如趁僥倖得意時。有人提起和議。卽便斂強橫之志。收戰勝之威。運用天智。學那謙謙君子。順風下臺。豈非一時之人傑。萬國之英雄。乃因不知足。終至失敗。幸而失敗。不然效尤者。必更造精器。練多兵。戰爭無止境矣。威廉所以敗者。是上天有好生之德。又逢大道宏開。賞罰迅速。活眼現報。一經失敗。人民痛苦難堪。本身更不自由。淒涼苦楚。不獨威廉。如此下台。凡英雄不知足者。皆是如此下台。太上云。強者死之徒。卽此義也。我們講學。不應講時事。不過引來證明。大道要開。強權要消滅。卽如我國自命爲英雄者。不知時。不知運。不知命。雖一時轟轟烈烈。轉瞬亦冰消瓦解。何爲時。時務也。何爲運。氣運也。何爲命。天命也。知此三者。爲真英雄。明哲

保身無入而不自得。故孔子云。君子居易以俟命。不知命者。無以爲君子。滿清得天命。在宣講勸人爲善。保二百餘年國家。德盡天命失。革命家得之。滿清遂推倒。天命歸民國。民國道德仁政未行。天命無所依賴。僅繫於勢力之大者。言其深遠者。人所難知。卽其淺近。人所共知者言之。其人剛直。肯擔負責任。故天命繫之。政府賴之。發號施令。操縱自由。非他之能。得時也。得運也。得命也。只要氣數一盡。必定一敗塗地。非他不能。時去也。運去也。命去也。人有何能。凡事天命爲之。天命不歸。能者亦不能。天命歸之。不能亦能。真是惟命不於常。道善則得之。不善則失之。當今大道要明。要行。公理出。強權滅。天命歸道德。真英雄卽聖者實行真道德。治國平天下如反掌。

真道德平天下是謂大同

嘗言有一人實行道德。則時局立地解決。天下立地太平。何以故。因道德爲天地之元氣。在人爲福氣。一人有福。滿門福祿。天下有一人有福。天下太平。故曰一人有慶。兆民賴之。前次干戈。以一人爭權利。害千萬人生命財產。足知亂天下在一人。治天下亦在一人。以道德平天下。卽爲政以德。師儒有德。無政不能。

行。君相有政無德。亦不能行。必要政德合一之人纔能行。蓋君子之德風。小人之德草。草上之風必偃。至聖將爲政說在前。以德說在後。必要在位之人行德。如北辰衆星共之。故有德有位。不但萬民服從。天地鬼神亦服從。今言道德治世。人以為腐敗。推其故。即壞於理學文章空談。言而不行。人以為道德即如是。勢非維新不可。不知真道德不但不是腐敗。并是日新又新。盛德大業。即是由真道德而成。今時講維新之徒。只知富強。不是斂財。即是練兵。有財有兵。失道德仁政。太上云。強者死之徒。今在位者。不行道德可矣。萬不可爲一人權利。殘害千萬人生命。究其源頭。不行道德能在位者。仍由前根行過道德。祖宗有餘德。前身修持。今生纔有此能爲。但其數千年積累。一時消盡。深爲可惜。現在當道者。不惟不行道德。即聞道德。亦神昏氣濁。國家焉得不亂。戰爭從何而息。我常說理學如程朱。尙有黨羽。由不明真道。道是大公無私。生天地人物之父母。天地人物。同個父母。人與人有何黨派之分。從來亡國喪家者。皆由黨爭。理學君子有黨。小人效尤。故黨與黨爭。誰是君子。誰是小人。有黨者皆是小人。心善而事不善。名爲愛國。實是害國。真明道德是大同。所謂真君子矜而不爭。羣而

不黨。今歐美人之在宗教者。亦講大同。但祇能說得片面。恰如中國之理學家講道學。同一似是而非。真講大同。無種族、國界、教派、黨派之說。同歸一道。無私心。無嫉妒。仁心仁政安天下。真行道德平天下。如歐美不知道德而行忠信。忠信卽道德之先行。故可一時文明富強。耶穌本是大同博愛主義。因後世教徒誤會。將其教作爲黨。生出教爭之禍。非大同也。真大同。實行道德。有教無類。宇宙原是極樂世界。因人各懷私心。所以變成苦海。我今倡言大同。無絲毫黨見。我見出外求學問。無論何會何教。是黨非黨。一視同仁。至立道德學社。原爲集衆思。廣衆益。無絲毫黨意。凡言三教九流者。非大同人才。非真道德心。凡分教派。分門戶。分國界。分種族。皆不可言大同。前聖立教。因時、因地、因材施教。不敢言大同者。知真道德之不行。不得已而立教之苦衷也。真行道德。免除爭殺之禍。卽是天地好生之心。合天地之心。是謂大同。

治國平天下之道在反本

今以俗情論。我數十年何苦常常講演。不過前受師之託。倡言大同實學。平天下政治。自十五入道。至今五十三年。閱歷經驗。略知仁心仁政。非實行道德。萬

不能使諸共和國。轉成文明大同世界。民國成立以來。其治世政策。仿外國形下之器。物質文明。不知中國大聖人。修齊治平。形上之道。故今政治一日亂一日。前南北不和。今更南與南不和。北與北不和。各逞兵力。各佔地盤。只圖爭權利。不顧人民痛苦。再不行仁政。國家不知伊於胡底。（試問同一中國。南是誰家的。北是誰家的。南與南。北與北。又是誰家的。既是民國。不但國家土地是公共的。卽人間銀錢。亦是公共的。不過有德者得之。有道者用之。古云。前人創業後人收。還有收人在後頭。正是千年田地八百主。十年興敗許多人。何必混爭國家土地爲己有。剝萬民銀錢充私囊。況天道好還。絲毫不爽。得失有主宰。如月有盈虧。人有生死。月有一月不缺乎。人有百年不死乎。由此推之。不但國家土地。人民財產。不能長有。卽己一身而論。亦非己有。數十年後。肉化清風。骨化泥。任爾如何強悍。如何奸滑。凡事得手。卽爲己有。一轉瞬之間。如夢幻泡影。真是有用精神。辦無用事業。縱有雄兵千萬。良田萬頃。奴僕妻妾。高樓大廈。金銀珍寶。而無常一到。萬事皆空。昔日光條條而來。今日手空空而去。所得者罪障隨身。此是假英雄下場。惜哉。哀哉。痛哉。今日道破。英雄見之。轉爲聖賢。實行道

德仁義。辛苦數十年。快樂千萬劫。不愧生今之世。成今之人。爲頂天立地之偉人。開大同世界之君子。萬國留名。萬古留名。大哉、美哉、樂哉。今日並無一人知道國家治平之原在道德。何以故。因道不行。人民能力思想。盡在氣數中。未聞君子之道。故堯舜禹湯文武周公孔孟之道德仁政。付之東流。真否極之時。小人彼此欺騙敷衍。不知反本求真學問。焉能出流浪生死之惡氣。今值大道將開。正英雄造時勢。時勢造英雄之時。而新舊人才。毫無一人倡言實行道德大同政治。故國家無頭緒。新學不知反本。舊學不知改良。彼此至死不變。致民間久旱。赤地千里。又逢戰爭潰兵之害。痛苦真不堪言。真是耕也餒在其中。此種現象。有至當恰好的法子。可以使偉人小民。歌功頌德。心悅誠服。其法卽是道德仁義。不但一國服。萬國皆服。不但人服。凡天地鬼神。無有不服。故中外哲學家。常言歐洲政治。只可一時富國強兵。不能協和萬邦。非孔子道德仁義。不能統一全球。成大同世界。是以外國之富強。富者極富。貧者極貧。男女跳舞。飲酒失和。彼此以手槍野蠻解決。中國之道德。如孔子治魯三月。男有分。女有歸。夜不閉戶。路不拾遺。如堯舜之孝弟。黎民於變時雍。今天元正午。大道宏開。大

同出現真文明大同景運。其在斯乎。

重道德用賢才天下大同

人不可虛生於世。凡立一志。辦一事。不求有功。先期無過。夫衆人在辦之事。有益於世道人心者。不可有嫉妒心。去破壞他。必要贊成其美。如天道不開。世上無人解決時局。保護國家人民生命財產安寧秩序。必須道德。惟我獨知非此不能。而環顧前後左右又無人辦。我立定宗旨。獨當獨辦。千磨百折。亦不退悔。任人如何毀謗小視。亦力奮一時之忍耐。開天下萬世之太平。此爲知道行道。重道之君子人也。孔子云。遯世不見知而不悔者。卽此義也。然要求辦事。先造真學問。不患無位。患所以立。不患莫己知。求爲可知也。果將學問造到。由天智中發現。卽是天地的賢才。國家的至寶。必有用之一時。正是沽之哉。沽之哉。我待賈者也。現今中外政治。皆用法律武力。國富兵強爲宗旨。此非文明大同。治世安民之道。終是敗國亡家之禍根。凡一切陰謀手段。終必消滅。惟道德是生天地的元氣。人物之主宰。治國平天下之至寶。成大同世界之根基。人民共享之幸福。今否極泰來。國家必要用此人才。以大道生財。大德受命。萬邦協和全

球統一。此是道德仁義之實用。但非其人不。非其時不用。真賢才出世。道德出現。仁義有用。卽堯舜禹湯文武。平治天下之道。周公孔孟。聖聖相傳。八德五倫之禮。數千年雖未行。而元氣尙在。中國所以不亡者。卽賴此道德之元氣。民國以來。雖如此紛亂。比較歐洲爭戰還好點。何以故。因我國諸大聖人有遺德。留下協和萬邦。統一全球的政治。必定有大賢才行之。或在草野之中。無人認識。或在政界之中。無人重用。今要求解時局。定太平。宜急舉真正賢能人才。若狗情面用私人。欺騙敷衍。決不能統一。若真行道德。用賢才。天下指日太平。成大同極樂世界。萬一無賢才。卽出一公道之善人辦事。國家人民。也可一日平安。一日。現在中外哲人。咸知武力不足恃。正待在位者。有真英雄。知道實行道德。尊賢敬士。天下聞風響應。不期同而大同矣。外國講富強。一時假文明。中國講大同。是真文明。講大同有大同的真辦法。要行大同的實事。天下自然大同。

醫國家天下必要對症良方乃可起死回生

凡治世安民。必先看國體風俗習慣。而因時制宜。外國國體。內虛而外實。中國國體。內實而外虛。故中國稱中華。數千年極堅實的老國。因受秦漢以後。暴君

汚吏之斲喪。內中損傷元氣。外又感受西人傳染時症。遂成病國。元氣損傷。不知調和善法。故發現滿身大瘡膿泡。痛苦難堪。俗醫內用毒藥攻剋。外用膏藥敷貼。或仿西法。內用麻藥閉靈竅。外用刀針割刺。皆藥不對症。愈診愈壞。今我國南南北北。徒用武力。各佔地盤。猶如刀割針灸。反無有好期。設和議。分權利。聯絡感情。調停敷衍。猶如敷貼膏藥。蔑視道德。假借法治。就如閉靈伐性之毒劑。內元氣不足。專用外治。是猶剜肉補瘡。愈治愈潰爛。病體何日能了。今我國之病。現正一髮千鈞。如再不求良醫善法。萬不可救。今有古方神藥。一吃即愈。其方名曰道德仁義湯。內加三綱五倫八德。良心爲引。不惟藥到病除。聞而即愈。何以故。人身元氣充足。自然萬病全消。中華以道德仁義爲國體。仍就其體。而施以道德仁義。元氣恢復。如良醫對症發藥。糾紛之時局立解。民國自然不勞而自治。真民國卽是大同。今有民國之名。無民國之實。如有真民國人才。卽聖者以民爲重。愛國爲家。愛民如己。痛癢相關。民與民何爭之有。今日互相競爭者。非民國之民。乃貪人敗類也。並不知民國爲何物。己身是國民。如真知己身是國民。當盡國民責任。以天下爲己任。今日爲中華民國之模範。異日爲大

同萬國之模範。真是乾坤肖子。天地功臣。一世英雄。萬世馨香。

親民新民相隔天淵

中華治國平天下。至善之道。在親民。親民民之本。本立而道生。生出內聖外王。治世。國泰民安。堯舜禹湯文武之世。其民十人行路。九人謳歌。至聖三月治魯。亦然。真正國家人民。收大學親民效果。享親民幸福。大學一書。萬教綱領。修身齊家。治國平天下之實行實德。聖聖相傳心法。孟子後。大學親民之心法失傳。親民之道不立。後儒不知心法。不知親民爲何物。故立教隨波逐流。治民無一定宗旨。改親民爲新民。後世學者。以訛傳訛。至今不但不知行親民之道。並未聞親民教。以新民開民智。民受新民之毒。國家受新民之害。民一日新一日。國家一日亂一日。甚至西學東來。用夷變夏。立學堂。開民智。講富強。不知親民以道德仁義治世。而以新民立教。故民受新民影響。官民平等。父子平等。男女自由。家庭革命。種種無法無天行爲。釀成國家人民之亂。無一非新民教害之。卽現在偉人政客。皆是新民教之人。以新民教號召人才。今有真人才治世否。不但無真人才治世。而愈治愈亂。民間日無飽食。夜不安寢。奸淫擄掠。自相殘殺。

嗚呼。民不聊生。皆新民害之。故太上云。以智治國。國之賊也。故強與強爭。愈爭愈烈。不知足。不知辱。非至殺身亡家不止。故老子云。強者死之徒。誠哉是言。不知行親民之道。卽失智仁勇。徒以新民聰明開會議。想方法。運用手段。某方如何對待。某方如何聯絡。種種顛倒是非。敷衍一時。爾以新民之機巧去。他以新民之機巧來。彼此都是趨炎附勢。惟利是圖。凡事有利於他。無不服從。以致行動。如犬爲家主。依依不捨。若有一點無益於他。如荒山猛虎。張牙舞爪。或反對。或中立。又非真能反對中立。譬如不倒翁。望似能對能立。其實東倒也可。西倒也可。坐觀勝敗。勝者聯合。敗者摧殘。此是新民人才。尊哥愛弟。感情之結果。今之新民學者。不言修身齊家。倡言愛國愛民。興利除弊。出風頭。聚黨羽。入此派排斥彼派。入彼派排斥此派。彼此無利於己。又言脫離關係。看二者之外。有勢力大者。又卑污苟賤。鑽營取巧。毫無廉恥。運動僥倖到手。國不知愛。弊不知除。自私自飽私囊。問何糊塗如此。曰爲人不做官。做官皆一般。此新民學之人。才所以害身。害家。害國。害天下也。

真親民教。卽是修身齊家治國。平天下之道德。成真作聖之根本。大同極樂世。

界之始祖。但非聰明聖智達天德者。其孰能知之。賢如程朱。將親民改爲新民。何以故。天下無道。親民之道不行。諸子百家。講理學文章。新民學從此行。今國家人民。明知受新民害。猶不改者。因大道將明未行。新民與新民氣味相投。至死不變。由不知親民之道也。今大道宏開。知時務者爲俊傑。用天智。行親民之道。自然親親而仁民。仁民而愛物。不用兵車。國家不勞而自治。天下不期平而自然太平。我敢斷言親民行。大同世界成。新民新得好的。做到極處。亦不過如善人政治。不好則誤國殃民。孔子云。善人爲邦百年。亦可以勝殘去殺。苟有用我者。期月而已可也。善人例如清順治康熙。實行宣講十六條。至乾隆時。人民安居樂業。可知善人爲邦百年。只能勝殘去殺。孔子爲政三月。而魯國大治。人民歌功頌德。夜不閉戶。路不拾遺。何神速乃爾。真行大學親民之道也。

真主宰用事天下自然太平

常言。否極泰來。亂極思治。天道自然。人情當然。現世界亂達極點。戰勝戰敗。終無了期。所謂上無道揆。下無法守。朝不信道。工不信度。君子犯義。小人犯刑。國之所存者幸也。何以故。國無真宰。國必亂。家無真宰。家必敗。人無真宰。人必滅。

天下無貞宰。萬邦不共和。如有貞宰。千頭萬緒。不期而自歸劃一。試問貞宰爲何。曰道德仁義是也。中國先聖先王。以綱常倫紀。仁義道德爲貞宰。道德是生天地萬物之元氣。主宰萬物。此主宰獨一無二。在身則身修。在家家齊。在國國治。在天下天下平。我們欲救天下蒼生。保全人民生命財產。安寧秩序。必要聽道德的號令。道德又爲人之良心福田。有天智之君子方知。而常人不知。而自作聰明者。更莫能知之。何以難知。因自恃其才。不知以爲知。是不知也。其所能知者。多半是假仁義。能假仁義者。人心尙未死盡。遇明師良友。善教善勸。生出真仁義。尙可與有爲。真道德仁義。是人之良心福田。人有良心福田。自然愛家國天下。上行下效。風行草偃。皆是道德。人民何爭。萬國一體。共造大同登極樂。共享悠久無疆之幸福。

我講實行道德爲主宰。是有爲的主宰。而無爲主宰亦在其中。無以名之。強名之曰上帝。此上帝非一人一國之上帝。是萬人萬國之上帝。是自有永有無處不有之上帝。無時不宜之上帝。又是獨一無二之上帝。散而無量之上帝。大而無邊之上帝。小而無內之上帝。故曰。大周天界之外。細入微塵之中。皆是一上

帝。此真上帝卽道德。在人身中。卽是人之性命。淺而言之。卽是人之良心。人有良心。卽有道德。主宰。不爲氣數所移。良心作主。卽是人之道德行爲。人有道德。做事卽有主宰。今何以有道德之人。未見做事。因道德把天地生成。離地太遠。其地權交於氣數主宰。時機未至。有道德之人。氣數不歡迎。縱有道德。不能司地權。故秦漢以後。司地權者。不以道德爲主宰。非人不爲也。是氣數不爲也。今日大道宏開。上天主事。卽是道德主事。氣數與上天合一。人人有貞宰。人民有依賴。依賴誰。依賴有道德仁義在位者。故堯舜率天下以仁。而民從之。當今之治世者。只要一人有貞知識卽可也。何以故。道德仁義。是人之良心。全球萬國人同此心。心同此理。司地權者。行道德仁政。人爲之。卽是上天與氣數道德爲之。同歸一化。正如孔子云。爲政以德。譬如北辰。居其所。而衆星共之。衆星既共。萬國人民。焉得不服從。正是人事爲之。天道成之。

當今之時。上天以道德仁義。交於司地權者。在位者皆是仁人君子。無黨羽。無國界。無種族。自然人人相親相愛。天下同是一家。中外皆是一人。凡有血氣者。皆是道德所生。人稍有缺陷。卽非道德之子。我受師之託。講道德。行道德。是我

所應爲之事。不但是我所應爲。是人人之本分中事。人守本分。卽人有道德。世界之亂。非人亂也。氣數亂之。世界治者。非人治之。上天道德治之。今在位者。若用天智行道德仁義。則登高一呼。萬民服從。何以故。道德天命在躬。天下頃刻太平。在位以實行道德爲主宰。人民以在上位者爲主宰。上下一體。萬國九洲。同登極樂。共享道德仁義之幸福。我之幸也。天下人之幸也。

樂道語

天下之虛理無窮。一人之智識有限。常言理駁千層無定數。何以故。因人在後。天忘乎先天之道德。不知實禮。不能自還先天也。我今略知道德實禮。故自覺從前。日在過中也。人不知自反。只知有己。不知有人。自作聰明。自以爲理直。則氣壯。目中無人。凡事任情。稍有不順己之意者。卽歸罪於他人。將他人碎尸萬段。仍以爲自己之理有餘也。是何故。因其平日不知真理道德。又不自反自問。凡理無全是。事無全非。不自反自問。不將實禮認明。無明火從虛理出。煩惱心從虛理生。朝日爭權奪利。罪大惡極。還自以爲是。真不能自反自問之過也。如將實禮認清。卽是實行道德。自然自反自問。非禮勿視。非禮勿聽。非禮勿言。非

禮勿動。此數禮字。萬教聖人言行。不可須臾離之道也。其中卽是將心比心。如此處事。無事不可了。無事不可成也。以我之身心。當他人之身心。對照自反。方知凡事他人不是者。非他人失禮也。由我先失禮也。縱我之心未先失禮。其事恐有失禮。是爲心善而事不善也。不然事善而心不善也。自反當初。事未三思而行。忙中有錯。從今以後。反身自問。人縱非是。未必我是。自反自問。罪歸於己。則萬事干休。無明火。煩惱心。頃刻冰消。非事多。我多事。無事卽神仙也。我以實禮對他人。認爲己之過。推他人無過。他亦必以實禮對我。你有如此自反。他有如此自問。彼此良心發現。不由虛理爭勝敗。從實禮中相親相愛。此君子爲人處世之良法。自然親近有德。遠避凶人。此自問自反之樂事也。天下本無事。庸人自擾之。天下有何事可爭。有何事不可了。只要知道自反。如鏡之對照。我而之歡容。他面之笑貌。凡事對照。卽是自反。爲人處世。焉有不樂之理。焉有無道德之事。道德卽爲人自反之實用也。眞有道德心。親仁愛物。有何損人利己之事。凡事自反。罪歸於己。誰能加罪於我。己能自反。他人卽有非禮於我。我讓他一步。他亦自愧。彼此良心發現。和好如初。爲自反處世之明鏡。無入不自得之

真樂。自反者。萬事樂在其中。卽如我平生言行。如不自反。終身萬難成事。自以爲是。不謙不受益也。我今所講先勸自己。自己講的。自己能行。一也。他人能信。不能信聽之。只要我心口如一。自己不敢作無道德之事。二也。集衆思。廣衆益。就高明。正有德三也。不然。坐井觀天。掛一漏萬。而不自知也。我非生而知之也。亦由尊師重道而來。得薪傳。守本分。不過明過心也。見過性也。我此回停講後。又講大同元音者。皆爲門人知者道。我前言不談國事。不在其位。不謀其政。是君子居易以俟命。今何以又言大同天下事。不過前受師之託。要化萬國成大同。挽回世道人心。故今日講大同元音。知我罪我。皆在此也。如孟子云。予豈好辯哉。予不得已也。我亦非妄談好辯。其中不得已。不得已之苦衷。真傷心之語也。真痛心之言也。一日天道明時。自有公論也。我品評當今時局。英雄豪傑。治世安民。不得其道。非過言也。民愈智。國愈亂。國家有治法。無治人。况所謂治法。又不善耶。我不忍人民痛苦。出於天良中實言也。我品評時賢之得失。非以成敗品評其人。實品評有道德無道德也。有道德而失敗者。卽是將來成大業者也。上天之考成也。上天之愛他也。卽天降大任於是人也。非他不能也。時機未

熟也。其無道德而僥倖得富貴者。雖一時成大事。成事卽是失敗事也。卽爲行險僥倖也。一時成事。萬世罵名也。非我願品評也。專爲我門人中有道德無道德而言之者也。非我之門人。他人之得失榮辱。我品評於我有何益。於他人之不知者有何損。是失言也。凡事之成敗得失。眼見是人爲之。其實是天爲之。氣數爲之。人非天助之。或氣數助之。必萬事無一成。此能成不能成者。天爲之耶。人爲之耶。其中是無爲無所不爲之主宰爲之也。然又非無爲爲之。是有爲爲之者。人爲之也。蓋人爲天地之心。能以行乎天地之中。超乎天地之外也。卽如今聲光電化。其巧奪天工者。實未見天爲之也。皆是人爲之也。天有何用也。氣數有何能也。空空洞洞者。塊然一物耳。何爲之有也。人爲萬物之靈。超乎氣數之上。故三才之中。人爲貴也。卽如我現身說法。天爲之。未見天之半言半語。皆是我爲之也。我自反自問。肉眼凡胎。心思能力。不能出人意外。何以能之。而心能想。身能行者。雖見我之言行爲之。其實是上天無爲之主宰爲之。非我之能也。我不能誰能也。我獨能誰不能也。自問自反。太空無一物。只見我未見無爲主宰。是我之能耶。真我之能。又非我之能。能能能。非非非。亦能亦非。非非也。能

有何能也。一念不生時。我有何能也。全體現時。方知我之能。卽是天之能。天之能。又卽是我之能也。做事在我。成事在天。其中有一个道道道。非常道。名名名。非常名之主宰也。在我身內。我放之則彌六合也。在我身外。我卷之則退藏於密也。搏而不得也。視而不見也。聽而不聞也。真妙哉道也。玄哉德也。其助我成功。是天耶。是神耶。亦非天非神也。是我耶。非我耶。亦非非我也。我我我。卽是真我耶。卽是真道德耶。故我以道德爲我之大父母。生我成我。行住坐臥。視聽言動。皆賴道德也。由此推之。天下之成敗。道德主持之也。故天下國家之大。有道者治之。有德者居之也。我自反自問。道德爲何物。卽是我的良心主人翁也。天智由此出。萬事由此成。人不失良心。卽是道德主持。真天智作用也。人能耶。道德能耶。道德無人亦無用。人無道德不成人。故道德輔我。我輔道德。道德用我。我用道德。一而二。二而一也。兩而化。一而神也。故曰盡人合天也。天人合一也。有如是者。聖人爲時中之至善也。當今之時。如在位者。能自反自問。以道德爲己任。天下有何不了之事耶。有何不治之國耶。有何不能平之天下耶。一時作事。中外留名也。萬世馨香也。雖是道德爲之。實是人爲之也。自反自問。從今以

後。懷抱道德。可行則行也。可止則止也。自問自反。學至聖不亦說。不亦樂。不亦君子之三樂也。學太上同於道樂。同於德樂。同於失樂之三樂也。我今之講義。不過講來勸自己。自己能勸。自己能信。自己能行者。方可勸人教人信。不然。自不能信自己。教人從何信之也。自不能勸自己。焉能勸人信之。焉能教人行之。與世之空談道德者。何異耶。與世之空作文章。勦襲虛偽者。何異耶。我若能言不能行。口是心非。則君子中之小人也。我自反自問。我今真知富貴榮華。實中空。得失有定數。一不敢妄求也。聖賢仙佛。是功行實德換來的。無功德二不敢妄求也。生死窮達。有道德主宰。人無能爲。三不敢妄求也。其他一切事事物物。只問我之人事善未善也。果人事至善。無有不得也。何能得也。天之道德在其中。修天爵得人爵。如影隨形之報也。故不求而自得也。萬一不得。己之道德不足也。自反自問。克己不得而真得也。樂在其中矣。故不怨天也。不尤人也。素位而行。無入而不自得也。樂哉樂哉。道德生我也。我弘道德也。非我弘道德也。道德宏我。道德是我本分中應爲之事也。非我是我也。子母一體也。道德與我一而二。二而一也。希望天下仁人君子。道德爲己任。天下自然成大同極樂世界。

也。故大哉聖人之道也。中天下而立。定四海之民。莫不尊親也。

道德在先天。道爲陰。德爲陽。在後天。德爲陰。道爲陽。一陰一陽之謂道。順而乾。坤。天地否。逆而坤乾。地天泰。何以故。陰陽對待流行。生出五行。五行和生生不已。五行乖。生老病死苦。故紅塵爲苦海。世界爲火坑。當今據亂世界。爲天地否。否極則泰來。地天泰是也。故人落後天。顛顛倒。倒倒顛。顛顛倒。倒出聖賢。故太上曰。大德不德。有生有死爲德。天地不仁。以萬物爲芻狗是也。聖人以道立教。應有教無類。何以因材施教。栽者培之。傾者覆之。聖人不仁。以百姓爲芻狗是也。是何故。非天地聖人不仁。皆是陰陽對待。五行生尅。故善惡之報。如影隨形。天網恢恢。疏而不漏。爲人自招也。

真道德者。爲天地萬物之父母。是故曰大德曰生。清氣爲天也。濁氣爲地也。散氣化生萬物也。天地萬物完善也。大德之精華始生人也。故人爲天地之心也。萬物之靈也。故三才之中。人爲貴也。何爲貴也。人能宏道也。代天宣化也。救正人心也。故太上曰。先有吾神。後有天也。佛家云。上天下地。惟我獨尊也。有子云。自生民以來。未有盛於孔子也。莊子云。天地非大。吾身非小也。道德本在自身。

而不知道德爲何物者。非人也。故孟子云。人之異於禽獸者幾希。卽此義也。元
幼而入道。卽知道德是我之父母也。常常親近道德。但人落在後天。爲物欲所
蔽。朝日在生死流浪萬波之中。言行損人利己。雖不敢作。然人情之中。恐有未
善。至今日知學自反。我能各處立社講演。隨緣開化。毫無阻礙。不但爲人師。而
爲道德師尊。我有何能也。敢代天宣化也。救正人心也。布衣教王侯也。今清夜
自思。方知非我之能也。天道爲之也。我不過順上天天命也。挽回氣數也。使天
下成大同也。上天假手於我也。由此推之。凡謀事成事。一切是是非非。人是毫
無一點能爲也。不是上天爲之。卽是氣數爲之。不然。卽是魔鬼成之。人有何能
也。由氣數生。由氣數死。由氣數成。由氣數敗。人有何能也。常言無常定你三更
死。任你雄兵百萬。戰將千員。不能留你到五更。人有何能力可知矣。任你英雄
豪傑。不知道自反。自以爲能。到頭殺身亡家。遺臭萬世。雖是氣數爲之。還是爾
無天智。不明真道德。不能行乎天地之中。超乎氣數之外。爲氣數所愚。朝日千
事勞心。萬事勞形。到頭一鍋白水。正是小人枉自爲小人也。夫聖人不然。身在
氣數之中。言行動靜。超乎氣數之外。用智仁勇三達德之才。不隨波逐流。不由

氣數所使。不爲名。羈利鎖束縛。做官不爲官所誤。見利不爲利所用。凡事自主。明是克己利人。成人卽成己也。眞己之能也。氣數乎何有。一時之天智辦事。萬世之馨香美名。正是君子樂得爲君子也。

人非聖賢。孰能無過。改之爲貴。我常言人不能改過。只要能知過。亦是君子。何以故。今人自作聰明。造到罪大惡極。到頭失敗。還不知己過。又怪他人。故曰知過者君子也。非其人不知過。蓋其祖宗之餘德已盡。前生之功德已喪。身雖在世。其心已死。如迷信家言。其靈魂已在地獄中。自招罪狀。定了鉄案。永無翻悔。故不知過。正是惡不積不足以滅身也。眞英雄不然。惡事臨身。猛省回頭。卽登道岸。故曰改之爲貴。君子能知過。能改過者。雖是自爲之。實是天道助成。亦非天道助成。還是君子有天智之故。天智者。人人皆有之。小人明知其有而不用。氣數使然也。亦是自用聰明。聰明反被聰明誤也。

庸人不知天命。時常爲貧富自擾。豈知道德既生人。卽能養人。常云一苗露水一苗草。况人爲道德全體大用。斷無缺衣少食之理。世之缺衣少食者。由失道德也。人有道德。天命在其中。福祿壽考在其中。故一呼百諾者。非人之能也。天

命爲之也。卽我之現身說法。自身毫無能力。我未讀一書。而能發明萬教聖經。賢傳之真理。講演數十年。門人編輯成書。發行各處。歡迎者不少。我有何能。是上天之能也。不過我能尊師重道。以道德爲己任。認爲我之父母。認爲我之明師。認爲我之良友。道德愛我。我亦愛道德也。今收道德之效果。門人服從。知己歡迎。真是謀事在我。成事在天也。天何以獨愛我。由我能自愛也。自愛亦非我之獨能也。人人皆能之也。故云人人皆有佛性。盡可成佛也。

爲人處世。凡事要自反。要學謙謙君子。不自是。不妄言。不輕舉妄動。知我我亦如是。罪我我亦如是。人有言我之過者。我自反有則改之。無則勉之。罪歸於己。凡知我罪我。皆是我之師也。故孔子云。三人行必有我師焉。擇其善者而從之。其不善者而改之。凡事盡己之志願。先立終而後始。無有辦不到的事。故物有本末。事有終始。知所先後。則近道矣。等而下之。道生我。德撫我。我完全人格。知足常足。知恥不恥。所維持我者道德也。成全我者道德也。故我不鑽營。不取巧。不依賴他人。我所恃者道德也。我所依賴者道德也。我不損人利己者。畏道德也。我不口是心非者。畏道德也。作事不貪天之功者。畏道德也。不

擅己之能者。畏道德也。夫君子有三畏。我之所畏者更多也。非我多畏也。我知道德。時時自反對照。不敢怠忽也。

人落紅塵。毫無能力。釋迦佛爲天人師。不能度盡衆生。無能也。孔子有東周期月之嘆。造大同。挽回世道。救正人心。未見其實事。無能也。太上倒身下凡。爲周之柱下史。不能開道於萬人。平治天下。無能也。耶穌自言是上帝化身。三位一體。愛人如己。替人受罪。不能使世無罪人。無能也。紅塵眞苦海。非聖賢道德不能行世。時機未熟也。卽是天道閉。賢人隱也。今天元正午。大道宏開。道德用於世。無論何人秉受。頃刻遍行萬國九洲。這是甚麼竅。道之將行也。我知之矣。如自古帝王。多半由草野中出。無一兵卒。轉瞬之間。身爲天子。富有四海。非他之能也。是天道氣數助他成功也。其將敗之時。雄兵百萬。頃刻之間。萬里江山。化爲無有也。非他不能也。天道不輔助他也。我實知凡事天道爲之。人事順之。人是毫無能力。推之古今中外。得失盈虛。眞是莫之爲而爲者天也。莫之致而至者命也。

而今大道要開。如有人秉受道陽。實行提倡。萬國九洲。一轟而起。協和萬邦。統

一全球。頃刻成大同世界。是人之能耶。天之能耶。非人能也。非天能也。天與人合一也。天不賴人。不能辦實事。人不賴天。不能成實事。故曰天人一氣。萬事可成也。卽如昔日之革命。一人倡行。天下服從。非人爲之。氣數爲之也。今我倡言大同。非我有能爲也。古聖先賢。預備的道德政治。流傳數千年。今已成熟。從前道德。元氣高高在上。地氣主事。故道德不行也。今道德主事。地氣無權。而輔助道德。雖人提倡。是上天提倡也。故我順從上天之命。而倡言大同元音。夫天地萬物一元而成。前元無音。故不鳴。今元有音。故能鳴。驚天地。動萬物。這是甚麼竅。是一元而來。聞音而歸。是人爲耶。天爲耶。人不明。天從何明。元何有音。音何有元。故曰人能宏道也。天時與人事合一。道德與行政合一。真正爲政以德。譬如北辰。居其所而衆星拱之。卽是先天而天弗違。後天而奉天時。天且弗違。何況人乎。何況鬼神乎。真是舟車所至。人力所通。天覆地載。凡有血氣。莫不尊親。尊親者何。道德仁義而已。

我今知道自問。我有何能也。敢爲道德師尊。統率門人。倡言大同。萬一氣數障礙。天道不開。我僅作大同之引線。舍之我則藏也。若天道要開。上天要我成大

同之實事。用之我則行也。大同世界。成在我也。非我之能也。天道成之也。此時不成。必別待其人而後行也。非我不能也。是氣數天道不成也。我心盡淨。於我無損。古云天道閉。賢人隱。我不敢自命爲賢者。既是道德所生。道德爲我之父母也。爲子者。應當辦父母之事。成敗我不計也。主宰在上天。辦事在我。我不善辦者。上天之罪人也。我能善辦者。上天之功臣也。成敗均如是也。如我實心實德辦。不畏難。不偷安。認道德爲己任。倡言大同。我之人事已盡。我之志完全矣。後世成大同極樂世界。如舍道德而別有辦法者。我真不能也。如仍須以道德仁義統一全球。協和萬邦。成大同極樂世界。則無論是誰之能。我之能亦在其中矣。

今之世界。凡事無有真假。信之則真。不信之則假。試問古之帝王將相是真耶。假耶。當權者無人不服從。不但人服從。天地鬼神亦要服從。草野中之匹夫。而爲天子。假而真也。一朝失權。萬民共殺之。真而假也。夫婦何分真假。聖人之禮。男女授受不親。一朝禮成。同床共枕。六親歡迎。是真耶。假耶。成功者真。銀錢貨物。田地房屋。三十年河東。四十年河西。千年田地八百主。誰是真。誰是假。故曰

有道者居之。有德者用之。故凡事無真假。惟道德是真。故道也者。不可須臾離也。道德中和。天地位焉。萬物育焉。天地萬物。皆賴道德。人之生死。亦皆賴道德。其壽夭窮通。得失生死。皆由道德所定。不真而真。故佛說色卽是空。空卽是色。真空不空。妙有不有。卽無真假之說。我今倡言道德。世界要成大同。不真而實真也。

我今自反。恐我之道德未純。天智不足。故著大同元音一書。就高明正有德。集衆思。廣衆益。不分中外。凡能實行道德。以天下爲己任者。卽是同志有緣。期與之共成大同世界也。我乃草野一匹夫。不過尊師重道。不忍世道人心之淆亂。萬民之痛苦。我心盡淨。成與不成。皆聽諸天道也。卽成者。是我應辦之事也。我有何功也。我有何德也。萬一不成。我有實心實德。我有何過也。我有何罪也。我今只得鞠躬盡瘁。希望聖者早日出現。將道德推行天下。使人民早免一日之痛苦。我之志願達到矣。我自幼入道以後。一書不看。一字不究。憑我一心。皈依大道。性分中流露出來。天道性道人道。同一元而出。不假人意。不用聰明。不求名利。而今四方立學社。講道德。自反自問。未用過公家半文錢。未佔過民間一

錐地。真是兩袖清風。懷抱道德爲己任。從今以後。再加勉。再自反。再自問。永不爭權奪利。不要名位。不要勢力。不要銀錢。居易俟命。素位而行。如天道用我。兼善天下。如天道不用我。獨善其身。再約而小之。自反自問。有二人則兼善。一人則獨善。或在塵出塵。或在俗脫俗。不在其位。不謀其政。非我不謀也。順上天之天命也。鞠躬盡瘁。人事盡也。今爲師尊自愧。理應勇猛進行。但氣數之天不歡迎。我不與氣數之天命爲對待。道不行。我不得不退。不敢不退。學君子明哲保身。可行則行。可止則止。知足不辱。知恥不恥。我只恐人事不善。遇知音明告。擇善而從。不善而改。凡天成事。人助之。人成事。天助之。天與人一也。人與道德一也。只要我身有道。言行有道。我心有道。我自得樂。樂哉道也。大道之自然也。故君子無入而不自得也。大哉道德也。洋溢乎中國也。施及蠻貊也。凡有血氣。莫不尊親也。

【附識】乾坤順行。爲天地否。何以故。因天高高在上。不能照臨下土也。乾坤不能配合。陽間於陰。陰疑於陽。乾之天道無權。坤之地氣獨當其權。故不受乾之統一。如女子專權而專橫。不受夫家之管束。如國家主權失於奸佞小人。當

今人民不能安寧。天下不能太平。卽由於此。否卦當權。未有盛於今時也。今否極泰來。因元午當中也。地天泰是也。先天之逆行也。後天之順行也。何以故。真先天之真陽下降。地道之惡氣數無權也。乾卦主持。如男子主事也。天道主權。如女子無權。必要依賴丈夫。陰陽配合交媾也。氣數不顛倒。國家人民。自然不搗亂也。故今天地陰陽交媾。卽五行相生。萬物生生不已。萬民順順遂遂。風調雨順。國泰民安。故曰地天泰也。

卽如講修持。丹經之口訣。乾爲天。乾三連也。在人頭上。天門閉。坤爲地。坤六斷。在人尾間。地戶開。人在後天。因天門閉。地戶開。故爲惡易。爲善難。非難也。後天人欲主事。不能反還先天也。故要修持。纔能反還先天。或由河車逆行。或由任督二脈運轉。或由玄關丹田。真陽之氣。三花聚頂。五氣朝元。將天門打開。故曰開天門。閉地戶。爲乾坤顛倒。顛顛倒。倒倒顛。顛顛倒。倒出神仙之義也。正是乾卦開。坤卦閉。乾坤倒顛。真地天泰。否極則泰來也。地戶閉。天門開。爲善易。作惡難。不但不作損人利己之事。並無損人利己之心。故孟子云。善人也。信人也。何爲善人也。信人也。有諸己之謂信。充實之謂美。充實而有光輝之謂大。大而化

之之謂聖。聖而不可知之之謂神也。卽仁者人也。合而言之道也。窮理盡性。以至於命也。守中抱一也。其中卽取坎填離。水內點燈火內栽蓮。真是萬緣皆了。萬事皆空。不動無明火。斷絕煩惱心。水火既濟。卽能却病延年也。凡人在後天講修持。無論正道旁門。必先要知道順逆。乾坤顛倒。纔是成真作聖之基。如孟子云。蓋於背。施於四體。四體不言而喻。源泉混混。不舍晝夜之義也。又如萬教丹經。成真作聖。亦不過顛倒乾坤。先天爲逆卦。後天爲順行。不過各教聖人。因大道不明不行。因時因地立教。今之後學。莫明其妙。故所學非所用也。所用非所學也。學道如牛毛。成道如兔角也。故丹經之無用也。非丹經之無用也。有真善法。無真傳人也。我平生不闢諸教。不忌妒人才。因大道不明不行。各教旁門。只要知道實行道德。無損人利己之事。卽是引人入勝。其有邪說誣民者。非其教不好也。是後學之不明道者。妄想爲人師。妄想作神仙。無怪前聖。只怪時機未至。地道主權。黑暗世界。無法無天之時。今日爲地天泰。大道主事。地道無權。萬教旁門。同歸一道。故孔子云。誰能出不由戶。何莫由斯道也。佛家云。人人皆有佛性。丟下屠刀。立地成佛。在此時也。我今倡言大同。使天下人人相親相愛。

世界由文明而進大同。由大同而歸極樂。有何地獄天堂之說。有何生老病死苦之說。人人可以長生不死。個個可以成真作聖。享道德幸福。真是大同世界。即是天堂也。無入而不自得也。今之學儒釋道諸教者。如不明道德二字之真義。卽如丹經之修命不修性也。真道德。卽是三教萬教。性命雙修也。故今西學東來。用夷變夏。由不知道德爲何物也。男女混雜。無上下尊卑之序。男女之別。淆亂綱常倫紀。顛倒陰陽是非。無父無君之學說。孟子所云。是禽獸也。非國家無治法也。有治法無治人也。今之學者。所學非所用也。所用非所學也。前以文章空談。今以勦襲虛僞。大言不慚。爲學爲政。國家焉能不亂。世界焉能太平。如中外要享太平幸福。須以道德仁義治世安民。道之以政。齊之以刑。治無道德之小人。道之以德。齊之以禮。和世界有道德之君子人。彼此同聲相應。同氣相求。上下一體。人民無有不遵教訓者也。國家無有不太平者也。人人知道德。行道德。享道德之幸福也。我之幸。天下人人之幸。

附祈禱太平語錄

七月初一日滬杭寧各處同仁懇請禱免天災人患中國統一永久平和

嘗言莫之爲而爲者天也。莫之致而至命也。今天能與諸生聚首一堂說法者。

亦如是也。前西北知己。鑒於天災人患。無有了期。懇求我解免人民痛苦。今東南各處。又聯名發誓願。具禮儀。敦請我禱告。使天下早日太平。四川湖北。求免天災人患。均立地效應。以此而論。真是莫之爲而爲。莫之致而至。故四方俱來求我解免禍患。不但有求必應。並有求必得。論世間之事。無一不是天命所爲。不過人未覺察。譬如魚在水中。而不知有水。鳥在空中。而不知其空。果人能知道明道。大眾一心一德。從良心中。發出宏誓大願。真貞爲國家天下。卽是天命假手於人所爲。以我現在來論。四方有學社。中外有門人。內外左右。有人服事恭維。若無天命。何能如是。今以人事考之。天命在躬。地權似要得手。何也。試觀一縣一省之長官。不過區區之地權。猶能控御境內人民。統轄所有事務。況我今各方以天下大事來要求。豈不是世界地權。亦將假手。試問我有何能。不過我從師學道時。卽發有此體上天好生之德。存悲天憫人之心。代天宣化。救世濟民之大志願。今果天命假手於我。我不得不順天應人而行之。天命雖然無爲。假手於人。則無所不爲。人事雖是有爲。若天命不假手。則仍一無所爲。例如當道英雄。命令一出。百萬雄兵。盡皆服從。何能如是。因秉有氣數。天命在身。人

民不敢不服從。但所服從者。非心悅誠服。敢怒而不敢言也。若其人天命一去。任爾雄兵百萬。上將千員。頃刻冰消瓦解。人有何能力。縱幸當時不殺身亡家。亦難免身敗名裂。遺臭萬年。偷生怕死。不得已。或逃往他國。或潛伏租界。儼若喪家之犬。無處可歸。足見惟命不於常。道善則得之。不善則失之。故謀事在人。成事在天。然雖有天命。若無人輔助。亦不能大行其道。天命不可見。有人察輔助。則天命在其中。故朋比爲奸。助桀爲虐者。亦能成事。順道而行。成人之美者。有人輔助。亦是如是。不過結果一個天堂。一個地獄。君子樂得爲君子。小人枉自爲小人。彼世之有人輔助。秉氣數天命亂世者。猶且如是。我今各處皆有知己弟子輔助。可見天權在躬。地權在手。一言即可掃除兇氛。消滅浩劫。

今日七月初一日。迴想革命始義。數月之間。竟將幾千年專制帝國推倒。真是天命在躬。無所不爲。然以二十年之久。人民反日受痛苦。國家愈形混亂者。又是何故。因所秉之天命。只能革專橫之命。而未得治世之天命也。故時勢愈趨愈下。竟成不可收拾之僵局。一般善人君子。見此國家陷危。拯救乏術。呼籲無門。咸來赴懇於吾。求我擔當宇宙。燮理陰陽。使天下太平。我何敢當此重任。不

過上天假手於人求我。我不能辭其責耳。昔武王伐紂。雖一怒而安天下。尙稱干比戈。管仲雖九合諸侯。一匡天下。猶攘夷伐邢。如果今日我當其任。決不用兵車。自然而相親相讓。我爲何有如此之容易。順天應人而爲耳。況天下之治亂。皆在人爲。未亂之先。卽生有治亂之人。若天命已歸。時機已熟。又有一心一德者輔助。則治天下如反掌。嘗言二人同心。其利斷金。今我們大眾一心。卽可扭轉乾坤。使天下不仁之氣。化而爲仁。從此一切刀兵水火瘟疫盜賊。消滅盡淨。不言太平。而天下自太平矣。

再說人不知道。終日昏昏倒倒。醉生夢死。不使奸弄巧。酣嫖濫賭。生死弗顧。卽顛倒是非。誤用心機。以自誤誤人。影響社會。真正可憫。以杞人憂天而論。本是形容愚人無識之詞。猶有可原。惟今之西人。素稱天文哲學大家者。用盡千辛萬苦。竭畢生之力。推算何年。何月。何日。何時。有地球與星球相碰。又何時有颶風吹。彗星現。種種預言。常常登載各報。而屆時完全泡影。毫不應驗。失已信用。其事小。惑人聽聞。其罪大。致有餓殍穴居而避禍者。有蕩盡家產。以待斃者。誠屬可惜。夫窺測天象。推算日蝕。月蝕。四時八節等等。我國星相家。學問精通者。

俱能推算。數千年不移。至於通神通靈者。更不待言。如前劉止唐先生。卽其明證。當年說中國要大亂。不久卽有焚書之事。囑門人多藏經傳。以免俱被焚燬。而今果然。雖焚書之事未實現。而取消五經三傳。不准人務舊學。亦與焚燬無異。可見形上之道。神妙莫測。非形下之器所能窺其萬一也。若果地球與星球相碰。天地自然壞了。豈能以科學擬議其絲毫耶。况天道高遠幽玄。無爲無所不爲。豈是凡夫俗子所能懸揣臆測。縱能預知一二。亦只知其當然而不知其所以然也。但西人研究形下之器。亦可謂科學發到極點。有益於人之實用。一切聲光電化。火車輪船。機械等等。真是巧奪天工。可惜不知形上之道。如能精益求精。下學上達。以形下之器。而轉求形上之道。以有用之真精神。辦天下之眞實事。不分中外。不分種族。同歸一道。眞貞天下一家。萬國一人。不惟可以保全人民之生命財產。並可以保全國家天下之安寧秩序。永久和平。一時作事。萬古長存。那時形上形下。一氣相通。以之推算一切。自然應驗如神。當天地否時。大道不明。聖人經傳。多被後儒穿鑿附會。晦塞不彰。人道因之不正。致有數千年之黑暗。今地天泰時。大道昌明。天既生有我。又有各方人衆要

求。凡一切陰凝不正之氣。俱要消滅。何也。因我不分國界。不分教派。不分種族。毫無封建思想。凡事開誠布公。不沽名釣利。不受國家一名位。不用公家一文錢。是爲天地辦事。替古今中外聖賢辦事。莫說當今惡氣要消。卽天下萬世。凡有血氣。莫不尊親。如果天真貞假手於我。將來集萬教大成時。必將古今中外一切書籍。大加修正。善者取之。不善者去之。取捨一定。褒貶自分。不待焚而自焚矣。何以要如是。因腐儒捕風捉影。捏端妄造。似是而非。誣賴聖賢之處不少。於世道人心大有攸關。爲維持天下萬世人道計。不得不如是也。况聖賢經傳。皆是行有餘力之文。讀弟子入則孝。出則弟。一章。可以概見。大學中庸。本儒門中之精華。而曾子子思。又聖門中人材之表表者。豈有言行不能相顧之理。而後儒竟敢誣以均有出妻之事。真貞可恨。試問大學修身齊家。中庸君子之道。造端夫婦。從何說起。倘果有其事。則大學中庸。早已焚矣。何能流傳至今。如果言不顧行。卽不能載道。不能載道。卽不能維持世道人心。不能維持世道人心。卽反貽破壞人道者。以口實。何能爲聖賢傳。况孔子一貫之傳。卽是綱常倫紀。修齊治平之大道。豈有名實不符。而能受一貫之傳。此事我已再三言之。今

何以又說。因其所關太鉅。爲正本清源起見。不得不急加考證。以立人道之大防。孟子曰。盡信書則不如無書。誠哉是言也。

蓋有天地。然後有萬物。有萬物。然後有男女。有男女。然後有夫婦。有夫婦。然後有父子。有父子。然後有君臣。有君臣。然後有上下。有上下。然後禮義有所錯。男女乃陰陽之代表。夫婦爲人倫之本原。夫婦之倫不定。卽足淆亂陰陽。擾亂太和。而所謂父子君臣上下禮義等等。俱不堪問矣。安得不釀出刀兵水火瘟疫盜賊之巨患乎。今爲挽救大劫說法。特窮委溯源。闢其謬妄。以杜永遠之流毒。吾前以理學修身齊家時。對於婦人女子之心性行爲態度。亦嘗有不滿意。覺得賢者出妻之說。或亦人情所難免。自承天命以道學齊大家以來。始知人以類聚。無有不可化之人。既成一家。萬一是惡緣。亦可轉爲善緣。眞貞身能行道。必能行於妻子。故君子之道。造端夫婦。及其至也。察乎天地。由此推究其極。則家語禮記等書所載。曾子子思出妻之事。毫無來源。純是好事者爲之。以訛傳訛。捏端妄造。藉飾己非。古人曾言此等書。多係後儒偽造。良有以也。再如宰我。本因心地不仁而絕祭田。後儒遂誤以短喪之故無祭田。故對於喪禮特別

鄭重。披麻帶孝。讀詩守制。甚至廢棄職業公務。獨守空禮。真貞懲羹吹壺。因噎廢食。曾不思生前不善孝養。死後縱虛文全備。又有何益。語云祭而豐。不如養之薄。誠確論也。嘗見不孝之人。父母在生。衣食不顧。及其死後。則泣淚稽顙。盡禮如儀。如此之人。雖服孝終身。亦是假的。如蔡伯階。拋棄父母。而私自豐衣鮮食。輕車肥馬。其他好貨財私妻子者。何莫非生前不孝養。死後徒然耳。昔宰我以三年之喪。爲期太久。問於至聖。至聖反問曰。食夫稻。衣夫錦。於汝安乎。答曰。安。卽此一安字。已足絕祭田。並非因短喪而絕祀田也。試以安字言之。父母生我。劬勞罔極。深恩粉身難報。如何能安。若謂禮樂不可輕廢。宜勉強節哀。猶可說也。若其心中卽安。則天性之薄。卽此可見。故至聖以不仁責之。誅其心而正其事。其無祭田。蓋以此也。後儒不察。遂定出種種不近人情之弊制。其違反人道。貽害人羣。與誣曾子子思出妻之說。同一來因。同一罪例。真是人可誅。而書可焚。

自大道不明。禮教專橫。社會人民。習爲風尚。遂演出重男輕女。不平等之惡習。爲禍世間不小。常見鄉間理學家。對於婦女。總是壓迫。當男子初婚之先。必教

其如何威嚴莊重。勿令新婦識破性格。甚至新婦入門之時。翁姑則避居樓上。取其居高臨下。易於降服之義。凡男子由外回家。先入妻房。則爲順妻逆母。種種無禮限制。均足以乖天地之太和。滄兩間之陰陽。遂致夫婦之間。無真感情。家庭之內。無真樂趣。女子家貧。爲人童養媳。則翁姑百般虐待。其用使女。雖虐至死。猶覺理所當然。以此推之。世界男女。無生人樂趣。此卽私心之所以釀禍。理學之所以爲害。亦卽數千年來。黑暗之所由起。而刀兵水火。姦淫估霸之所由來也。茲值否泰交關。反動氣發。倡言打倒禮教。打倒腐化。正是天道之公平。應有之事實。但今人又過於放縱。自由戀愛。自由結婚。自由離婚。不但不受父母之命。並以家庭革命爲能事。致使男女終身無有歸宿。以致含冤莫愬。抱怨自殺者。時有所聞。較之專橫家庭。所受之痛苦。更加倍增重。故至聖曰。道之不行也。我知之矣。智者過之。愚者不及也。

再講男女不得其平。婚姻不得其正。中外如出一轍。外國講強權。滅公理。雖云法制。實與中國以前專橫無異。其流弊較中國爲尤甚。例如制定一夫一妻。兩女不能配一男。一男不能娶二妻。若女子戀有兩男。終必制死其一。男子欲再

娶必先與前妻離異。如此說來。若男子屢娶屢離。則一生之娶離。曷其有極。女子屢戀屢害。則一生之戀害。又伊於胡底。卽此可見男女婚姻無止境。夫婦大倫作兒戲。外國之法律黑暗。一面理想文章。故愈講法律。則公理愈滅。公理滅。則種種陰謀壓迫。自此而生。其害豈可勝言。由前觀之。則男子係供女子之犧牲物。由後觀之。則女子又成男子之玩弄品。女子可以任意戕賊男子。男子可以隨便拋棄女子。是男女無一定依賴。日在恐慌危險之中。陰陽顛倒。氣化兇惡。國家人民焉有安寧秩序之日。此外國所以多暗殺鬥毆之事。而中國所以有拋棄生離置死之痛苦也。

今欲挽救大局。必將致亂之原說出。方得有效。中國之亂。有兩大原因。一爲男女陰陽之氣不合。各書早已言之再再。一爲人民之私心。人一有私心。則陰謀壓迫。損人利己。虧心喪德之事。皆所不惜。充其極。實是淆亂陰陽。傷害太和之起點。近來仔細考察民情。無論何地。俱是人多君子稀。前聞各處修馬路。強拆民房。我頗不以爲然。今在西單牌樓衝要之處。見過往人多。路道狹隘。理應拆毀之房。因當事者寬容待遇。成了姑息養奸。該住戶不知好歹。故任意用障礙。

物。阻碍交通。毫無一點公道心。又殊覺可恨。按照修馬路章程。不惟不准放東西。並要將房立地拆毀。他亦敢怒而不敢言。足證中國人之鄙劣性。只可用壓迫。不可以理喻。亦即見世俗人之心。理。太不講公德。無怪乎天下之亂也。況搗亂國家。爲害社會。俱由私意造成也。近來國家教育不良。人民知識太淺。凡士農工商。無一不是自私自利。常聞有一包工造房者。因減省木料。豎柱於牆壁之上。未幾房傾柱折。打死數人。以貪些須之小利。而喪數人之生命。又聞鄉間地主農夫。因侵佔土地。釀成人命訟事。所在多有。私心之爲禍。何可勝言。現在此種心理。儼然成了普通社會之天性。賣鹽攪沙。賣米攪石。賣物短秤。以及雇工夫役。買賣物品。莫不偷漏瞞吞。舞弊營私。掉優易劣者。任爾多給工資。多給價值。終不肯改其偷物攪假之私心惡習。只知有己。不知有人。天下安得不亂。故我們修持人。務要先克去私心。保守良心。見利思義。臨財毋苟。取之有道。務期無損於人。得之有命。必求無愧於天。事事光明正大。處處成己成人。作有益世道人心之事。成天下萬世不朽之功。庶可挽回頹風。轉移惡習。俾世界得見光天化日。人民同享太平幸福。

再說私心之結果。不但損人。實以害己。蓋天道好還。因必有果。殺人之父。人亦殺其父。淫人之妻。人亦淫其妻。強中更有強中手。惡人終遭惡人磨。或受報於目前。或遇禍於身後。或結仇於來世。無一不是私心釀成之循環因果也。如今日之估匪賊盜。綁擄燒殺。又誰非私心有以致之乎。我前在三教庵。見傭人用罐打油。賣油人問罐可裝若干。答曰儘罐裝滿。油戶稱之。其實只能裝十四兩。遂佯言曰。裝斤二兩。算一斤。傭人以爲有二兩油之便宜。遂卽照例。彼此各用私心欺騙。後傭人往別處打油。始知罐小不容。向與交涉。責令每次以二兩油計算賠償。竟釀成人命大禍。以此而推。私心之流禍遠。而爲患鉅也。修持人須引爲殷鑒。而痛戒之。

折轉來再現身說法。常言會說說自己。不會說說他人。我常教弟子改過。自思自反。我生平無邪淫浪飲。在世俗中。不失爲好人。在大道中。恐日在過中。而不自知。但我之過是公過。如日月之食。何爲公過。因其存心爲公。順道而行。非我一人情欲之私。卽如齊大家一事。無爲中早有其氣。我恐辦不到。當未敢承認。直至甲子年。見天成象。地成形。眼觀四外無人。如再不承辦。則大劫難於挽救。

萬不得已。始順承天命。勉爲其難。將我數十年之經驗閱歷。作齊大家之實用。始知道學齊家之難。非理學所能辦到者。世俗男女之間。只知講愛。不知夫婦偕老。時間甚長。非一愛字所能了事。必須由愛而親。由親而敬。由敬而畏。有敬畏心。則親愛愈堅密。愈堅密則愈親愛不已。自無中途反目。及拋棄離別之痛苦。況夫婦之間。能將親愛敬畏四字俱全。則有貞感情。有貞感情。則能調和氣化。燮理陰陽。我今毫毛道德。猶受上天之特愛。假手於我齊大家。使家人弟子。恭維親敬。凡內外盡功苦勤勞者。俱是自由來去。得收圓滿美滿之結果。若人。人如我存心作事。則天下無亂世。世間無亂民。

今諸弟子痼瘵在抱。感世界之之糜爛。恭行禮儀。求我解免。已見天道假手之一班。從此講演以後。彼此互相勸勉。諸惡不作。真善奉行。挽既混之氣數。回已亂之陰陽。使天地否。轉爲地天泰。一切刀兵水火瘟蝗盜賊。不仁之氣。悉化爲烏有。人人均享道德之幸福。天下後世。卽從此太平。

【附說】曠觀古今。凡天地特生之人。必有異常之操。其得志與民由之。不得志獨行其道。故不得志時。則與常人無異。甚有不及常人者。如舜處家庭之變。

耕於歷山。伊尹五就不遂。樂道莘野。其他孫叔敖藏於海。百里奚藏於市。傳說不得高宗。困於版築。姜尙未遇文王。釣於渭水。以及孔子僕僕風塵。人視若喪家之犬。孟子傳食諸侯。人有竊屨之譏。何莫非時運不至。能無所輟。自不免與庸人爲伍。但氣節行操。終有過人之處。愈磨愈堅。決不爲環境所困。聖賢不得志。猶與常人無異。其他英雄豪傑。更何說哉。衛青不得志。作牧猪之奴。韓信不得志。有胯下之恥。伍子胥吹簫於吳市。晉文公乞食於野人。以及樊噲屠狗。薛禮代庖。又誰非有異常之操。而反顛沛流離。不及常人者乎。他若劉邦由布衣而爲天子。光武起隴畝。而中興漢室。朱洪武以落魄乞丐。而創國基。此數人者。未得志時。均是溷跡塵埃。求其等於常人。猶不可得。是以雖文有經天緯地之才。武有旋乾轉坤之力。而天未假手。則猶龍困淺水。虎落平陽。綜觀此類。指不勝屈。要皆天將降大任於是人。必先使其動心忍性。以增益其所不能也。所以古今聖賢英雄豪傑。都是先窮後達。始困終亨。天欲啓之。必故已之。故意顛倒其精神。磨礪其志氣。使完成其大器耳。若世俗眼光。見人窮厄。則挪揄訕笑。輕慢狎侮。見人發達。則攀援阿附。曲意奉承。甚或卑躬折節。五體投地。其反覆無

常。炎涼暴易之醜態。令人難堪。稍有氣節之人。決不如是也。故天地特生之大丈夫。其平居窮處。不管有人知無人知。不沽名釣利。不鑽營取巧。其知識學問。出類拔萃。終是居天下之廣居。立天下之正位。行天下之大道。貧賤不能移其志。富貴不能動其心。君子之所爲。固非衆人所能識也。惟天地鬼神知之。卽一旦得志。本可從心所欲。任意所行。則仍順道而爲之。不貪天功。不逞己能。不自欺。不自是。凡事集思廣益。務期仰不愧天。俯不忤人。如一出世。卽有人澈底認識其學問知識。必在世俗人情之中。又何足貴。故凡出類拔萃之人。必爲天地鬼神所呵護。在一方則一方清吉。作一事則萬世可法。其有遠見卓識。恭維親敬者。凡事有求必應。有求必得。其神威斷非勢利小人所可擬議。卽如我師尊。自幼學道。明心見性後。又出外尋師訪友。凡關於世道人心有益者。莫不純盡義務。竭心力而爲之。其於國家治亂興衰。必先對知己說明。事事先知先覺。何以不得志。因時機未至。雖有知之者。亦是聲應氣求之知音也。若大行其志。則溥福利於國家天下。猶大旱之沛然下雨。今四方既有人要求。當然有求必應。諒天下立地太平。世界指日大同。

爲永久和平世界大同特別談心

庚午古歷八月朔日

人在紅塵浪滾之中。一日平安。一日佛。一日清閒。一日仙。卽是人生知足常樂。忙裏偷閒之無上妙訣。諺云。寧爲太平犬。不作亂世王。近年以來。世界糜爛。民不聊生。艱苦之狀。真不如犬。尤其是作戰區域。戎馬蹂躪。轉徙流離。槍林彈雨之下。欲求保全生命。猶屬不易。至於平安清閒一層。更說不上。今我與諸生能聚首談心。優游自得。何異陸地神仙。我前本說實行休息。何以今日又講。因我受上天之特愛。獨享平安清閒之福。而人民日在水深火熱之中。蒿目時艱。不忍坐視。故不惜唇舌之勞。呼天籲地。以冀消滅凶氣。故我之全副精神。無日不爲國家人民打算。自去年見和平氣動。卽南遊各處。想盡匹夫之責。略貢所學於社會。奈天未厭亂。尙有劇烈兇氛。無知己相遇。只得順天道而休息。今東北又有和平主張。與我素願相孚。觸動良心。特標明提綱。爲永久和平世界大同。特別談心。藉以催動道陽。促進大同實現。以了我當年希望天下太平。世界極樂。人人同享道德幸福之宏誓大願。

人在紅塵。卽脫不了生老病死苦。加以現在時局變亂。社會黑暗苦境。益形日

增。佛家教衆生不要出世。真是大慈大悲之言。試舉目四顧。誰個不在苦惱之中。有家資者。或恃富作惡。反因多財以賈禍。或貪得無厭。甘爲兒孫作馬牛。無家產者。奔走衣食。朝日勞碌。甚有爲飢寒所迫。流爲匪盜。隨浪漂泊。焉有生人之樂趣。所以修持人恒願避世離俗。隱居深山。故有看破紅塵。好出家之語。人果將紅塵看破。出家自修。不欠國家糧。不拖兒女債。不結一切冤牽。亦可獨善其身。故當日巢父許由。清潔自高。堯以天下讓之而不受。夫以唐虞盛世。講修持者。尙不願涉足。何況今日惡濁世界。以道眼觀之。真是苦海。今春東遊遼寧。見滿人故宮規模狹隘。毫無足觀。伊竟入主中夏。統一山河。宮殿遂爾崇巍。形勢亦復雄壯。以俗情論。應該心滿願足。乃順治猶云。朕本西方一衲子。爲何流落帝王家。身爲盛時帝王。而猶嘆爲流落。足見修持人價值之貴重。故曰九輩狀元。十輩天子。方能抵一修持人。生等拜我爲師。今時就不稀奇。將來明心見性後。方知不稀奇而稀奇也。人到性量開時。不但巢父許由。不足擬其清高。就是天上地下。以及金銀財寶。宮室妻妾。甚麼都是夢幻泡影。其中真樂。實有難以言語形容者。既知如此之樂。何以數十年來。嗷嗷不休。因有樂卽有苦。有苦

卽有樂。修持人誰個不想行樂。而孔子僕僕風塵。周遊列國。釋迦講經說法四十九年。以人情論。何苦乃爾。實因由爽至白。歷劫冤牽。一切善惡因緣。都要了結。不得不藉功德爲之解脫。回思我自歷劫以來。富貴場中。滾過多次。當迷性之時。驕奢淫佚。在所不免。作事總是惡多善少。卽善亦是虛情假意。而非真貞爲善。所結冤牽亦不少。故前雖處困阨之中。猶是委曲求全。不敢怨天尤人。正以其知因果循環之故。而欲解脫一切也。

人既講修持。須知太空有個主宰。一言一笑。一舉一動。皆有自然之循環往復。勿庸雜以人欲之私。故曰大道不穢微塵。君子貞而不諒。昔佛家神秀大師云。身似菩提樹。心如明鏡台。時時勤打掃。莫使染塵埃。六祖則云。菩提本無樹。明鏡亦非台。本來無一物。何處惹塵埃。此卽見道之言。足證大道之不可稍穢微塵。人不明道。妄冀非分。想入非非。皆是自尋苦惱。有點勢力。則野心勃勃。稱強逞很。一旦失敗。則困苦顛連。無所依歸。故紅塵爲苦海。三界爲火坑。非有道不能逃脫苦境也。諸生既來學道。卽要知道大道森嚴。絲毫不能攙假。凡事遵道而行。踏實認真。學君子貞而不諒。

回思當年學道之時。硬是天隨人願。初尙不知道爲何物。只想學神仙。以爲可以分身化相。上天入海。豈知神仙不是如此。只要能夠平安清閒。即是。至於大道之尊貴。較之神仙。更不知高出幾千萬倍。曾憶入山靜養。初開覺悟之時。心子紅亮亮。彷彿如火。似痛非痛。身如玻璃。光瑩澈澈。後一旦豁然開朗。天寬地闊。萬象畢呈。凡風生樹動。枝葉飄搖。俱有天然妙景。令人心曠神怡。俯視紅塵人物如蟻。奔波勞碌。痛苦堪憐。斯時我身卽天地之身。我心卽天地之心。光光明明。乾乾淨淨。不但無絲毫惡念。硬是一塵不染。萬境俱空。生等欲領略此等况味。須謹遵前講之三戒四行。否則決無開覺之理。卽有通時。亦不過情欲倒影。終成虛幻。惟將三戒四行。實行圓滿。刹哪一聲。大澈大悟。常云。頃刻行千里。須臾到九洲。尙不足以形容盡致。其實無需頃刻須臾。開窻見月。當前卽是三千大千世界。直如掌上觀紋。故曰。天地非大。吾身非小。上天下地。惟我獨尊。先有吾神。後有天。人到如此地步。雖王公之貴。亦不足以易其樂也。我於爾時。甚有逍遙物外。不與世事之想。後爲老師誠之曰。汝既發下宏誓大願。大道卽是汝之責任。况汝歷劫善惡因緣。恩仇牽連。不可不了。將來世界之亂。非大道莫

能挽回。尙須勉之。當轉念一思。我既冒然發下誓願。惟有毅然擔當宇宙。於是
以大道爲己責。千辛萬苦。以至今日。常云。辛苦三五載。快樂千萬年。我今辛苦
數十年。必能快樂無量劫矣。但我們樂天下人苦。身樂而心仍不樂。終不能了
其志願。我們師生既有如此際遇。總要各盡其力。有所建白於社會。現當天演
淘汰。需才甚急。我們先將學問造到。藏器以待。倘天欲平治天下。時機一至。我
們卽是開天下大同。造世界極樂之元仁。今爲永久和平。世界大同而講演。特
將所擬綱目。逐條略爲說之。以供有心世道者。互相研究。

【一】天下無亂世。世間無亂民。爲政在人。○堯舜之時。此天此日此人民。桀紂
之時。亦此天此日此人民。何以治亂懸殊。仁暴不同。要皆以堯舜桀紂爲轉移
耳。足見天下無固定之亂世。世間無生成之亂民。只在爲政一人。試看文武興。
則民好善。幽厲興則民好暴。孔子治魯三月。而魯大治。猶是魯國之民。孔子去。
而魯大亂。亦是魯國之民。非民性之有反覆。實爲政者有賢否。故曰一人元良。
萬邦以貞。又曰一人貪戾。一國作亂。皆指爲政之一人而言。今日世道民心雖
極形壞亂。若爲政者有智仁勇之大德。實施良好政治。吾敢斷言。如孟子云。以

齊王猶反手也。蓋小民無知。無主乃亂。如孩提然。不識利害。不知輕重。每於不知不覺之中。釀成至大至烈之禍。如汽油洋火。引火最烈。稍有知識者。均知加以防範。惟孩提無知。動喜以火爲戲。安得不招焚燬之災。設有家長告誡管束。自無危險之患矣。至聖曰。爲政以德。譬如北辰。居其所而衆星拱之。欲救今日之危局。不仰賴於有德者。其奚歸乎。

【二】英雄造時勢。時勢造英雄。○自古國運之變遷。其始必由一二人爲之首倡。如暴秦并吞六國。強制天下。銷兵器而邑郡縣。天下幾成宴安之勢。而陳勝吳廣之徒。崛起草澤。天下響應而亡秦。可謂英雄能造時勢。及楚漢之爭。劉邦卽由此以創大業。又可謂時勢所造之英雄。二者相需。互爲起伏。而國家之治亂興衰。亦隨之爲轉移。有史以來。均莫能外此定例。故二百餘年。根深蒂固之滿清專制。只要一二英雄。卽可造成共和國。而在此十九年間。能轟轟烈烈辦大事。享大名者。無一不是乘機而起。爲時勢所造成之英雄。目今時勢之壞。日甚一日。不能再屬望於造時勢之英雄矣。

【三】眞英雄豪傑。能睜眼回頭。卽是聖賢仙佛。○時勢有治亂之別。故英雄亦

有真假之分。假英雄只能造亂時勢。不能造治時勢。若係時勢所造。卽隨時勢而消滅。不能轉而再造時勢。真英雄則不然。得志澤加於民。必思有以利濟天下。不得志修身見於世。亦必有以模範社會。故其所造者。必是治時勢。卽間有爲時勢所造。亦必轉來再造時勢。故真英雄能睜眼回頭。寧與庶民共安樂。而沒世無名。不因一人之權利而肇禍首亂。卽是聖賢胸懷。仙佛心腸。論我亦是時勢所造成。倘非民國言論自由。仍如滿清文字干禁。我亦不能得有今日。我既生逢其時。責無旁貸。願與有心造時勢者。互相切磋。去年南遊。遇一要人。談及時事。伊云。英雄多則天下亂。聖賢多則天下治。我云。英雄之亂天下。固在人多。聖賢之治天下。則不在多也。當今之世。設有一二聖賢。提綱挈領。縮其樞要。則所謂英雄者。亦必悉化而爲聖賢。孟子曰。尊賢使能。俊傑在位。則天下之士。皆悅而願立於其朝。不啻爲今時說法也。

【四】山河易改。秉性難移。故天之生物。因材而篤。○人物生在天地之中。受性成形。各從其類。於是人有知愚賢否之別。有居心殘刻者。有懷抱仁慈者。有奸巧虛假者。有忠厚誠實者。甚麼人辦甚麼事。甚麼虫蛙甚麼木。皆係天然之秉

賦。非天下之至誠。決不能變化其氣質。故天之生物。亦惟因材而篤。能成全者。予以雨露之養。當消滅者。加以肅殺之威。現在世界之亂。卽是上天大加淘汰。假仁假義。欺世惑人之鄉愿。次淘汰恃強逞很。草菅人命之強者。再淘汰殺人放火。殘酷成性之匪盜。雖云天地不仁。以萬物爲芻狗。究竟惟德是輔。惡者屈而善者伸也。

【五】凡辦事失敗。皆由未辦之先。早已失敗。○世間之事。成固在天。謀究在人。所謂豫則立。不豫則廢。倘謀之不臧。鮮不自取滅亡。今人辦事。總是使奸用詐。損人利己。結果弄到圖窮七見。自取其災。人或見其敗亡迅速。驚爲意外。而不知其發謀出慮。早種敗因。故不辦則已。辦則早晚斷無不敗之理。譬如架屋設計。既非根本已壞。架起焉不傾倒。要想你既打算欺人。誰不欺你。你既打算害人。誰不害你。天道循環。人事報復。有必然者。故曰成己必先要成人。害人終是害己。

【六】謙受益。滿招損。○千古英雄。皆是予智自豪。目中無人。卽孔子所謂唯上智之下愚也。故作事無好結果。大半身敗名裂。羞辱以終。例如始皇妄自尊大。

項羽藐視一切。均以自速死亡。是其著者。聖賢則不然。凡事不貪天功。不擅己能。故能收圓滿美滿之結果。如黃帝生而神聖。猶訪尋七十二師。大舜本有大智。猶好問而好察。用能肇造中土。協帝重華。此損益之大較也。我們修道人。總要謙讓和平。卑以自牧。方能有益身心。有益事功。

【七】事無好歹。理無是非。只看君子與小人爲區別。○事之好歹。理之是非。原無定評。惟視人爲之如何。君子爲之。歹亦變爲好。非亦轉成是。小人爲之。好亦變成歹。是亦轉爲非。是君子未有辦不好之事。是小人未有處得是之理。故曰君子中庸。小人反中庸。君子成人之美。不成人之惡。小人反是。我之言此。有何用意。因今人只在名詞上講究。而不實事求是。舍本求末。貽誤大事。故常講使人警覺也。

【八】天定勝人。人定亦勝天。故惟命不于常。道善則得之。不善則失之。○常人居天地之中。受氣化之。感使如風箏然。隨風飄搖。毫不自主。醉生夢死。惟聽氣數之支配。君子則不然。自強自立。力可回天。氣數之惡。亦可以人事勝之。或避重就輕。或轉禍爲福。如去歲當道能採納善言。焉有年來之戰禍。今以氣化論。

尙有餘氛未盡。雖有和平之氣。亦是假的。但氣化之真假。究以人爲依歸。人真則假亦成真。人假則真亦成假。人果憑貞良心。用大智慧。處的至當恰好。安知不從此真貞永久和平。故曰惟命不于常。道善則得。不善則失。正是天作孽。猶可違。自作孽。不可活也。

【九】知足常足。成功者退。○人生福命。原有定數。固不可強求。而亦不必強求。倘不明此理。貪心無厭。得隴望蜀。終身將無止境。焉有生人樂趣。故曰知足常足。成功者退。若成功弗退。必招人忌。今我享盡人生之樂。而猶勞心焦思。似乎爲不知足。非不知足也。天下未太平。志願未達到。所辦之事。未成功也。

【十】人無遠慮。必有近憂。○人必有遠大思想。方能成大功立大業。否則見小欲速。因小失大。何足與言有爲。近人多半鼠目寸光。那有遠慮。不但鼠目。簡直無目。故每禍在眉睫。猶不知悟。不到山窮水盡。噬臍無及。決不甘休。孔子曰。人無遠慮。必有近憂。深願今人三復斯言。

【十一】警告弟子第一。○謹遵三戒四行。即是成真作聖之基。○以前十條。皆是普通泛論。無關我們修持切要。今再直言警告生等。前永生法語內。三戒四

行。乃修持人必由之道路。生等若想成真作聖。非由此著手用功不可。此書有領過者。有未領者。可照手續領去。細看遵守奉行。將來若能圓滿無虧。我們師生同登道岸。共樂天倫。不言聖賢仙佛。自然聖賢仙佛。

【十二】第二章。○今日廻思。自學道尊師。見財不貪。見色不迷之經過。○常言財色動人心。天地間魔力最大者。莫如財色兩端。人亦被財色所迷。則一切鮮廉寡恥。損心壞德。皆在所不惜。小而喪失人格。大而墮落靈魂。故我三戒之中。首先即要永不嫖賭。因嫖則迷於色。賭則貪其財。嫖賭二字。即是人生最大魔障。然今日社會之上。無論何界人士。均難免嫖賭二事。而且非此即不能聯絡人情。應酬社交。幾乎非此即不能成世界何也。蓋富貴場中。原是喪德消福之地。凡能任意揮霍。胡嫖亂賭者。皆是前生大有修積。或是祖宗富有餘德。此等流浪生死之人。上天亦必如分以償。使其消盡則滅。故雖大嫖大賭。當時亦不見有如何顯報。惟修持人則不然。一有污染。即不得了。故我學道時。太老師即諄諄告我曰。汝之財色兩途。因緣太多。但大半皆是惡緣。汝若自甘墮落。則無論矣。若想成聖成真。須要牢牢謹記。屆時懸崖勒馬。謹防失足。我當聞之。異常

恐懼。求師賜我一大錦囊。師云。若有遇合來時。能見財不貪。將來卽有百官之富。能見色不迷。將來卽有真美相待。後謹守錦囊。化却多少邪緣。今日回思。堪告無愧。昨日在南海閒談。還提及我對於財色兩途。不貪不迷。硬是辦到。常人見財不貪者。必其家有金錢也。見色不迷者。必其家有美妻也。我當日家貧親老。妻子嗷嗷。仰事俯畜。處處維艱。雖遇財色雙美之奇緣。而且心甘情願。我仍絲毫不亂。恐非常人所能辦到。吾初次出門。太老師卽教我不多帶錢。試驗大道之真假。若果真有大道。自然飢有人送食。寒有人送衣。我謹遵師訓。莊嚴鄭重。與人接談。總以忠誠相告。居然有人尊敬恭維。曾憶瀘州一事。真正不易處。置完善。嘗住一店家。該店主人爲哥老會首。聲勢頗大。家資亦稱富有。膝下無子。僅有二女。欲贅我爲婿。家財並付我執掌。我當以實言相告。家有老母妻室。又在修道。諸多不便。伊云。只要我情願。任我如何安置。尤其是二女鍾情更甚。姊妹均願一同事我。雖非天姿國色。亦頗美麗聰慧。真是千古罕有之奇緣。爾時我正當窘困之際。卽想勉強爲之。以救目前之急。故亦甚爲留戀。因守師訓。不敢輕忽。又設詞以告曰。我尙有老師。必得許可後。方能實行。伊云。此亦容易。

你老師來時。有我招待。向之要求。必能見准。後於覺中。知其爲因緣中事。本可以檢便宜。但當時一作。將來卽無百官之富。宗廟之美。於是乘便他往。至重慶。乃致函相辭。託言老師不准。並命我出遊海外。徧歷各國。歸期遠近難定。請其另選賢才。免誤青春。始了其事。此其遇合之一端。其他於孤男寡女。相遇不苟之事尙多。今時事未成功。猶不敢說。說出真令人駭異也。

【十二】現身說明修身齊家之經過。及大同世界之家長人格。○我自學道修身。對於嫖賭烟酒。以及其他嗜好。有碍身心者。不但未嘗犯過。並未曾想過。故今日得有堂中弟子。室內家人。恭維親敬。在千萬人耳目之中。齊大家。能夠上下內外一心一德。有條不紊。真非易事。此非上天之試驗。究竟是君子是小人。將來能否作大回家長之模範。諸生見我有不當處。可以直言相諫。或我有未見到者。或生等有不明瞭者。我亦細加考查。爲之解釋。使彼此心安。我常云修身是齊家預備。齊家是治國平天下預備。若能將家齊好。其中經驗閱歷。學問問學。以之治國平天下。真易於反掌。

【十四】不知而行易。知行合一難。知而明。明而行尤難。○民可使由之。不可使

知之。凡不知而行者。往往無心合度。還可偶爾有成。故易。近來孫中山說。知難行易。真是他的良心話。若果真知革命之維艱。慮及成功之匪易。則必量力自怯。不敢爲矣。昔王陽明創知行合一之說。似較能言不能行。或冒行而不知者。爲略高一籌。故難。但一知卽行。不考慮成敗利害。亦未免輕率僨事。猶不能止於至善。必須由知求明。明然後行。顧慮周到。立終始行。方能收圓滿美滿之結果。故尤難。所以我教生等。凡事慎終於始。必先由博學、審問、慎思、明辨。而後能篤行。

【十五】人以類聚。君子與小人。氣味不相投。不但不能同事。並不易晤面。○常言同聲相應。同氣相求。凡事皆有自然安排。人類亦有天然界限。故道不同不相爲謀。決不容強與之合也。近年以來。常有人請我與當道晤面。討論政治。孰知各偉人宦場習氣太深。階級森嚴。致請我者。大失所望。且在下位者。諸事都是奉命惟謹。甚至以服從命令爲天職。雖有嘉謀忠言。下情不能上達。剛愎自用。武斷一切。以致釀成目前現象。皆當道者。不能虛心受諫之過也。前有人欲介紹我於所事之人。共謀治世安民之策。一日乘便進言。頗得應允。及我至其

地。該介紹人又舉以相告。伊乃借辭支吾曰。國家不得了。國家不得了。現出一種訑訑的聲音。顏色。該介紹人見此情形。亦不敢竟其言。一片熱忱。終付流水。良深浩歎。推其原由。實因人以類聚。氣味不相投。故爾格格不入。由此可見伊尹五就湯桀之難也。從此居易以俟。待價而沽。若非同類之人。決不自動相求。今之偉人。與我一面之緣。且無。何能同辦國家大事。生等能聽我講演。亦足證根器福命之深厚。

【十六】今日立終。梓行一萬八千本。有關時局政治之書。以警告有緣同仁。○此終從何立起。因漢口同人懇免災病者。頗著效驗。故今又一同學。鑒於湖南匪共猖獗。求我挽救。並匯洋一千元立命。常言得人錢財。與人担帶。既受人錢財。必要辦點實事。今乘此和平氣動。特選刊有益國家天下之書。以培補元氣。俾世界早日大同。無論在位在野。均可觸目驚心。醒悟轉來。相親相愛。共享和平之幸福。



大德必得卷下

上海文藝出版社一九六二年

大德必得卷下終

10

4-23